

१०८

दर्ता नं.:४८/२०७६/७७

पुर्खा दय्क तकगु सम्पत्ति, भीगु कला व संस्कृति
पिकाक-भक्तपुर नगरपालिका



पुर्खा दय्क तकगु सम्पत्ति, भीगु कला व संस्कृति

स्वयं

नेपाल संवत् ११४३ चिन्ला श्व / २०७९ फागुन १५ / 2023 Feb. / ल्या: ७८, दाँ:५



श्रवतबनगर पुरुष

खो खो धिंधि अल्ला काक्षाया डलेज्या

जर्मन-दक्षिण एशियाली सांसद पुचः ता ख्वप नगरपालिकां लसकुस
(२०७९ फागुन ९ गते)



महालेखा परीक्षक वार्षिक लेखा परीक्षणया पुचः ख्वप नगरपालिकाय्
(२०७९ फागुन ९ गते)



; Dkfb slo

@)&(kifug !%, c^a\$!)\$, jif%

देया राजनीतिक लाँपु अस्थिरता

नेपालय राष्ट्रपतिया निर्वाचन नपां राजनैतिक अस्थिरता खानय् दयो वल । स्थानीय, प्रदेश व संघय नेका न्ह्यलुवाया छगाथी (गठबन्धनय्) जुयो निर्वाचन ल्वाम्हा माओवादी सरकार निः स्वानयगु इलय छत्थुं हे एमाले नपां न्हँगु गाथिचिडः हज्याता । एमालेया व्वहलय गयो प्रचण्ड प्रधानमन्त्री जुला । उगु इलय सभामुख व राष्ट्रपति एमालेता विडगु सहमति जुला दक बुर्खाँ प्याहाँ वला ।

पुस २६ गते प्रधानमन्त्री विश्वासया मत काइखुनुं नेकां नं नपां समर्थन याबलय् न्हँगु गाथि व्यनिगु खानय् दय धुंकगु खः। उकिता स्वस्वं ओलिं 'डाख्वायँचाखय् डा मलाइगु' खाँ कांगु खः । एमालेया न्ह्यलुवाय् गाथि चिगु न्हँगु गाथि नेला हे मतुकः गाथि व्यडः विघटनया आरति हाल ।

फागुन १२ गते नेका, माओवादी, एकिकृत समाजवादी नपांया दलया नेतात च्वडः नेताता राष्ट्रपति व जसपाता उपराष्ट्रपति वियगु खाँ क्वः छ्यूसेलिं एमाले न्ह्यलुवाया गाथि चबुड वानिगु अवस्थाय थ्यंगु खः । नेकाया पाखं राष्ट्रपति उम्मदेवार रामचन्द्र पौडेलता विय धुंक गुलिं एमालेता सरकारे च्वडः च्वनय्ता नैतिकतां मल्वल । उकीं वं सरकार त्वःतागु घोषणा याई । अलय वाय्गु थासय नेका नपां न्हँगु गाथिया पाखंया मुख्य मन्त्रीत जुई । राप्रपां सरकार त्वःतय्गु घोषणा याय धुंकल । अःसंघ व प्रदेशया सरकारत निःस्वानय्गु व क्वथय्गु ज्या लां लांतक जुयो च्वनि । निर्वाचन जुगु स्वला फुय धुडानं सरकारं छगु ब्वस्यलागु ज्या क्यनय् फःगु मरुनिसा अःभन अस्थिर राजनीति स्व स्वं जनता निराश बाहेक मेगु छुं हे जुइगु खानय मरु ।

राजनीतिक अस्थिरताया मू हूनि माओवादीया नायो प्रचण्ड खः । वं गुब्लें एमालेता गुब्लें नेकाता भांगः लाड थःगु स्वार्थदक तप्यंकः च्वना । न्ह्याब्लें मिखालय् धुलं छ्वाकः याइगु राजनीति तातुई मखु । छन्हू प्रचण्डता फुक्क सिनं धोखा बिइतिनि अलय वयागु देंचाय् च्वड डाभाग काइगु अवसरवादी राजनीतिया लाँपु न्ह्याब्लेंता तिई ।

राष्ट्रपति व मुख्यमन्त्रीत नेकां नं थःगु भागय लाकय् धुंकः कन्हे एमाले व कांग्रेस मिलय मजुइ दक धाय् फै मखु । राजनीति अः विचः व सिद्धान्तया मजूसें न्ह्याथे याडः जुसां सरकारे वानय्गु सिद्धान्तहीन लाँपु जुय धुंकल ।


केपी ओली व माधव नेपाल नाः व मिथें जुय धुंकपुं जूसां चां चां माधव नेपालता गथे राष्ट्रपतिया प्रस्ताव तय फः ता ? छाय् तला ? उकिं छुं क्यं धः सा कन्हे ओलीं प्रचण्डता क्वः थय्ता शेरबहादुर देउवाता डादा छहे प्रधानमन्त्री जू दक धाय्तानं लिफः स्वै मखु । उगु इलय् प्रचण्डया प्रधानमन्त्री खापां काउगु लाहा थें जुई । मेपिन्ता धोका ब्यू ब्यू जुइपुं नं धोकाया गालय हे दुनि । लै याता लै नं हे गः म्हु थें । गुम्हा मनू नाः खय् अपः म्हेति व नाखय् हे सी, मिखय अपः सु म्हेति व मिखं हे सी धःथें जः जि ग्वयो मिखा पिडकः भांगः लाडः राजनीति याइपिनिगु अन्य नं अथे हे जुई गथे वं याडः वला अथेहे थः च्वकाय् च्वडः प्वः का त्वाल्हाड च्वंम्हा मनूथें व कुतँ मवसें हे मगा ।

पिकाक-ख्वप नगरपालिका/सम्पादक-आशाकुमार चिकंभञ्जार, डेस्कटप-धन लक्ष्मी त्यात, आवरण सज्जा-रेणु ध्वजु, थाकू- भक्तपुर अफसेट प्रिन्टर्स फोन ल्याः ०१-६६९३०४३, ई-मेल- khwopapau@gmail.com

सच्छिद्व लिपाया ख्वप दे

नाचगानया राजधानी ख्वप दे या छत्व र्वाँ

- नारायणमान बिजुवछै (रोहित)



कथहँ ...

अलय संस्कृति ल्यंक: म्वाक: तय्गु नाम्य परम्परा, धर्म, प्रसङ्ग व शास्त्र विरोधी ज्या याक्य वयक(च्वमि) या मन मन्हया । हनुमान ध्वाकाय् च्वंम्हा हाकुम्हा भैल द्यो दसि काथं वयकं धायो दि-‘मति ल्यंक: म्वाक: तय्गु ख: सां थुगु तसकं पुलांगु प्राचीन मूर्ति व पुलांगु प्राचीनत्वया महत्त्व मथुइकंतं दिगम्बर (आकाश फायो च्वंम्हा) थुम्हा भैलद्योत थौकन्हे तिति वगु न्ह्यु जस्ता पोल्हँ क्वपुयो आकासया अङ्ग, रङ्ग, ढङ्ग फुक्क स्वयमदय्क तपुयो बिला’ कला ल्यंक: म्वाक: तय्गु खँथ साफूखय् न्हिथाड: त:गु बेलायत, भारत, फ्रान्स, सोभियत रूस थी थी देया दसु ज्व: ला, बांला ।

ख: थें च्वंपु कलाप्रेमीतय्गु छपुच:नं खानय् दयो वल । अजगु बानीं धेबाजक कमेयाय्गु मति त: पिसं कलाता ध्वगिक:, स्यंक, मदय्क छ्वई धाय्गु खायँ च्वमिं कगु चिन्ता विच: याय् म:- ‘थजगु खतराया चेतावनी बियता ज्व: लागु, बांलागु, ल्व:गु

खॉगव: जिकय् मद्दु । अथेनं अजपिन्ता भीसं बांलाक स्वयो च्वनय् म: च्वमिया चिन्ताकाथं हे थुगु लागाय् ‘लबसिंचात’ नाफाखोर व न्ह्याथय् याड जूसां थ: जक नय् धाइपुं नमसिन्त्वाक(टपरटुईया) तय्गु हाँग: काकां वानि । लिपा म: काथं व्यवस्था याय् मफूसा ।

साफूया तातुना ख्वप देया प्याखंत ल्यंक: म्याक: व भिंक: तय्गु खयानं थी थी प्याखंया ब: चा हाकलं म्हासिइकात बियो विषयबस्तु साल:काय्गु थें ज:गु च्वमिया शैली (पह) खय् थ:गु हे पह: द: । राधा-कृष्ण, बलराम-कृष्ण व मिसापुं, महाद्यो-पार्वती व कृष्ण गोपिनी पिनिगुतकया प्रतीक काथं कायो त:गु ‘नागाचा प्याख’ स्वयो च्वमिया मन तस्कं क्वस:गु खानयद: । उकिया खायँ धायो दि- ‘थुगु प्याखं तस्कं रसं ज:गु व मचातय्गु माया (वात्सल्य) व प्रेमशक्तिं ज:गु प्याखं ख: । रतिराग व रतिरस (मिसा मिजंया आकर्षण व उकि दुनय् या यो त्यो) खय् छु पा धाय्गु थुगु प्याखनय् यत्थें स्वय खानी ।कत्थकली नृत्यया थी थी ब्व (प्रकरण) मध्ये दक्षिण भारतया पेरिपत ताण्डव उदण्डताया च्यें (सीमा) ख: सा थव नाइगु पहलं (कोमलता) च्व: ज:गु पह: ख:।

थुगु प्याखं चखुंचापला, नाइगु (कोमल) अभिनयया लिंघसाय द्यक: त:गु ख: । नाइगु वस्तु थें नाइगु विधानं पाखुयो तयता थाकु । कथथक नृत्य च्वा च्वाकं ल्हुई । च्वाकं च्वाकंया पला अलय व प्याखनय् थाइगु तालया च्वाकं च्वाकं काइगु द्रुत चाल व प्रचण्डता नं तस्कं हे त: ब्यागु नपां मथां थुइक-काय् फँगु काथंया ख: । ‘नृत्य

शिरोमणि’ नवदुर्गा प्याखंया खायँ च्वमिं धायो दि- थुगु प्याखनय् हायँपुइगु (मनोरञ्जन) स्वयो अप: धर्मकाण्डं च्व: ज: । तान्त्रिक प्याखंया अनुष्ठानिक बँदा थुकि हे द: ।

सन १५१३ सं राजा शुवर्ण मल्लं न्ह्याकगु थी थी प्याखंया बारे म्हासिइका व न्वचु बियो दिसे वयकलं उगु कला व संस्कृति नुड मद्यो वानिगु खाड: च्वना । व गथेलय् धाय्गु खॉ नं काँ कां यंकी - गुथि मदयक: छ्वगु, मेपिनिगु कीर्ति मदय्क छ्वय्गु ल्वचं प्रशासनता थ्य्गु, विभाग व प्रतिष्ठानं व योजना दय्के फता न ज्यापा इड: बियफता, नवदुर्गा प्याखंया थाकालिपिसं गुथिया आयस्ता जग्गा हे थ:गु याड: छ्वगु वा गुथि जग्गा थ:गु नाम्य दर्ता याड: लालपर्जा दय्क ह:गु, उगु पुच: दुनय् थ:थ: या ल्वापु, प्याखनय (द्योगणय) द्वहँ वैपुं ब्वनामित म्हवँ जू जू वांगु, पुलांगु सत्त फल्चात थ:गु नाम्य याड: नयो ह: गुलिं प्याखं क्यनय्गु थाय्, मदयो वगु, ब्वड च्वंपिसं थजगु खॉ सिइक थुगु गण त्व:त: यें वाड: च्वड: च्वंगु, आयस्ता भून भून म्हँव जुगु, थानाया स्थानीय त: सिर्फ मनूत, साहू-महाजन व सरकारं वास्ता याय्गु त्व: त: ह:गु, थी थी थुकिया हुनित ख: । अथेनं थ: पुं प्या छेली च्वड: गरिबी व मगा: मच: या अभावत न्ह्यतुन्ह्ययो उगु कलाता म्वाक त:पुंगुथिया छपुच: ता दसिकाथं हछ्याड: च्वंगु द: । ख: प्याखंया शंखबहादुर ब्यांजु, व मोहन लाल बासुकला, भैल प्याखंया पञ्च कुमार, चक्रबहादुर व टेक बहादुर, कवाँचा प्याखंया बिष्णुप्रसाद थजपिनिगु कला च्वज:गु भावनां प्याड: च्वंगु खानय् द: । ख्वपदेया थुगु कलाता थौतक ल्यंक: म्वाक: तय्फ:गुया जस वियम: पुं वहे बुगु जातिया

सच्चिद्वत् प्यंगु स्वप पौ, बःछि पौ(पाक्षिक)

क्वहँ कुबियो जूपुं सिफाँ दः पुं वा समाजय् क्वहयंकः धायो तःपुं ज्यापुत अथेधाय् किसानत खः । गुलिं ल्याम्होचापुं ज्यापुया मचात बापुच्याक जक नयो प्याखं स्पं वाडः बिरामी जूपुं नं दः । अलय् अजपिसं प्याखं ल्ह्यगु हे त्वःति गुलिं प्याखं म्वः तयसं दाफाय् ल्हापं तय् मफयो त्वः ति सा न्हूगुं पुस्तायां ब्वनय् मःगु वथःगु पेशांयाड प्याखं ल्ह्यगु त्वः ति ।

साफूति न्हिथाड तःपुं कलाप्रेमी व गुरुपुं बाहेकं चोछेँ दाफा व मे मेगु दाफाता म्वाक-तः पुं गुरुपुं नपां नं च्वमिं नपालागु छलफल याय मःगु खः । च्वमिं कःगु चिन्ता छखय् नं स्वय पाय्छी हे जु । ब्यासी खः प्याखंया छम्हा गुरु मोहलाल बासुकला लच्छी नेला हाँ हे मदय धुंकल । न्हूगु पुस्ताता लः ल्हाय हाँ हे पुलांपुं गुरुपुं मदयो वांसेलिं कला व संस्कृति म्वाकः तय्गु खायं छुं भाति पः जुइगु पक्का नं खः । न्ह्यलुवा पुं म्हवँ जुजुं वांगुलिं हे ख्वप देया कला व संस्कृति न्हाड-न्हाडः वाड च्वंगु व न्ह्याकय थाक्यो वगु धाय्गु च्वमिं मखुथेँ डांकः उल ब्यगु दः ।

प्याखं, म्येत ल्यंकः म्वाकः तय्गु उपायया खायँ च्वमिया शास्त्रीय, प्राविधिक व व्यवहारिक उपायत थाय् थासय् न्हि थाड तःगु दः । उकि मध्ये नेगु प्यंगु थथे दः -

१) अः यडः च्वंगु म्येँ प्याखंत भिडियो क्यासेट व मे मेगू आधुनिक साधनय् तयो चित्राड्कन (किपालुकायो) व ध्वन्याड्कन म्येँ भरेयाड तयो अथेधाय प्याखं व उकि लय व ताल बिइगु सङ्गीतत थीथी साधन शब्दाड्कन स्वराड्कन, अभिनय, लेखा व रेखाड्कन (हालःल्ह्यो, च्वयो, ल्ह्ययो) याड तय्मः ।

२) थुजुगु खायँ च्वयो तःगु पुलां पुलांगु हस्तलिखित (लाहातं च्वयो तःगु) साफूत व थ्या साफूया (Microfilm) अनुचित्र व ऋतुचित्र (photostat) दय्कः अध्ययन व अनुसन्धानया नितिं दय्केगु कुतः याय्मः ।

३) अजगु म्येँ- प्याखंत अः दयो च्वंगु, ल्यंडः

च्वंगुता भारतय् नपां यंकय् फैगु काथं ल्हवडः अज बांलाकः (परिमार्जन व परिस्कृत) याय्ता सः स्यूपुं ज्ञाता पिनि पाखं सय्के मः ।

४) थजगु म्येँ-प्याखं न्हूगु पुस्ताता स्यडसय्के बियता पुलांपुं गुरुपुं व न्हूपुं शिष्यपुं नपालाकयता, अखालय् ब्वडः हाय्के बियगु (अभ्यास प्रदर्शन / Rehearsal), वा तः तक्वगु चुकः वा हलय्, तःतः पागु न्हय्कत तयो भिडियो काय्गु, च्वयो तय्गु (आलेखन) वा क्यड तय्गु सामग्रीत दय्के मः ।


५) म्येँ-प्याखं व ललितकलाया खायँ पुलांगु व न्हूगु भ्नीगु देशया व विदेशया शास्त्रीय साफूत व अजगु छुं भ्वँ (कागज पत्र) त पिथानय्गु व अध्ययन याय्गु थाय्या साफू कुथित दय्केगु नपां (चित्र) मूर्ति

कला व सामग्रीत तय्गु राष्ट्रिय संग्रहालय दः थें थाय्गु बाद्य व प्याखं याय् नं राष्ट्रिय स्तरया संग्रहालय दय्मः । गना च्वय न्हि थाडागु फुक्क सामग्रीत नं दय्मः ।

६) ख्वप दे याय् हे प्याखं व संगीतता हाक नं ल्यंकः म्वाकः तय्ता अभ्यास याइगु पुलांगु चुक, छोछेँ थजगु थाय् व बाजा, पोशाक, ख्वःपा, वा मेमेगु सामानत तय्गु सुरक्षित भण्डार दय्क तय्मः । धात्थेँ धाय्गु खः सा अजपुं म्येँ हालिपुं व प्याखं म्वः तय्ता न्हूगु पहलं संस्थागत याय्मः ।

७) थुगु लागाय् ब्वसेलागु ज्या याड योगदान यापिन्ता सिरपां छाय्पियो हाडः तय्मः ।

८) शास्त्रीय लिधंसाय् दय्कः तःगु देवी प्याखं व प्याखंया थी थी विधायया खौं (अभिव्याञ्जना) स्वकमि पिन्ता कानय्गु



थुङ्कः कानयूता थुङ्गु भाय् ल्हाय्सःपुं सूत्राधार व चख्यंक कानय् फः म्हा ब्याख्याकारत तयो तयम् ।

थ्व फुक्क यायूता सुयाय्गु लाहातय् लः ल्हाय्गु धाय्गु खाय् च्वमिया बांलागु बिचः खानय् दः - 'थुगु ज्याखय् सरकारंया प्रज्ञाप्रतिष्ठानं थौया परिस्थिति लाहा मतः सां ज्यु ।' च्वमिं कर्मचारी तन्त्र व कलाकारपिसं याडः च्वंगु लाचाकुचु खाडः ग्याडः च्वंगु दः । 'थुगु ज्या छम्हा मनु वा गैर वा अर्धसरकारी संघ-संस्था कःघाड ब्युसा ज्या यायूता तुगु धेबा खर्चबर्च यायूता अः पुङ्गु जक मखु थःगु धाय्गु मतिं याङ्गु लिनं फाड्दा हे जुङ् ।' भौगु विश्वविद्यालयसं सांस्कृतिक विद्याता न्ह्याक च्वंसां संगीत शास्त्रया विस्कं विधात विकासयाय्गु बाकी हे दः नि । भौगु पाठ्यपुस्तक व च्वजाय्क ब्वनय्गु उच्च शिक्षाया सामग्रीत वा इतिहासया साफूखय्न् थुगु खॉ दहेमरु धः सां मपा । थ्व फुकं खॉखं याडः च्वमिं म्यें, प्याखंता ल्यंकः म्वाकः तयूता पुलांगु पुचः ता हे भाला कुबिङ्केगु मति दः । छगू खाय् शास्त्रीय प्रबन्धता गथे सामाजीकीकरण याता अलय् सामाजीकीकरण यागु बस्तुत गथे ल्यडः म्वाडः च्वनि धाय्गु छगू दसु खः ख्वप दे । अलय् उत्पादनया साधन व स्वापुत हिल हिल वांसेलिं च्वमिया भाषं धिधिबल्ला (होडबाजी) पूंजीवादया प्रवाहसं म्वाडः च्वनय् फैला ? शङ्का लगय् जु ।

ख्वपया म्यें -प्याखंत ख्वपया जक कला संस्कृति काथं च्वड च्वंगु मखुसैं अः फुक्क नेपः मि व नेपःया राष्ट्रियताया छगू अङ्गकाथं काकां यंकिगुलि उकिता ल्यंकः म्वाकः तयूता याय् फैगु ज्याया सम्भावना भन भन अपः खानय् ददं वगु दः । खः, उकिया लागिं कला व संस्कृतिया ज्ञान अपलं दः पुं मर्मज्ञपिसं च्वजागु स्तरं हे छगू सांस्कृतिक पुनरुत्थान (हकनं म्वाकः हय्गु) व न्हूंगु जागरण (नवजागरण) क्वय् थ्यंकः हयूता कुत याय्मः । मखुसा सकल नेपःमिपिनिगु

सांस्कृतिक सम्पतिता डोकः खुकुरी व मादलंजक गथे निर्वाहयाड तय् फै ?

च्वमिया कला व संस्कृतिया खाय् राष्ट्रिय व तफागु नुगलं स्वय्गु दृष्टिकोणता थुङ्कं थुङ्कं नं स्वर्ग-नर्क, पुनर्जन्म व थः ता म्हासिङ्केगु थजगु रहस्यमय दर्शन गथेकि 'मन्त्र' (स्वर, उच्चारण, संगीत थजगु) यन्त्र (रेखा, स्वरूप, चित्रमूर्ति) त व तान्त्रिक प्याखंया ख्वपां ख्वः तपुगुया न्हापांगु मति (अभिप्राय) नं स्वकुमि पिनिगु ध्यान छुं भाति थाजाय्कः (जागत याड) स्वपनया चेतनां लिकायो छ्वयगु खः । 'थाय्गु ज्ञाननपां साधारण ब्वनामिपुं म्हासिङ्केता वा थुङ्केता थाकु चाय् फः । 'अथेहे परम्परागत कला नं छुं लोकं हवागु मिथक, विश्वास प्रथा व व्यवस्थाया लिधंसाय् कला कौशलया रुप व धापु' ता गथे खः अथेहे तयमःगु समझदारीता समाजविकासया नियम व वैज्ञानिक ब्याख्यां जक आलोचनात्मक दृष्टिकोणता चित्त बुझे याय् फै ।

खः, बर्बर युगया मनूत जीवन व जगतया थी थी थाकुगु (जटिल) ज्ञानत थुङ्के मफयो थी थी टुना-मुना (मन्त्र) व अन्धविश्वास ब्वलांगु खः । ग्यापुगु, शंका-उपशंका व अज्ञानताया थी थी अभौतिक शक्तिया कल्पना छगू छगू महादेश व समाज्य मरुगु मखु । अः थ्व मानव समाज व संस्कृति ब्वनय्गु इलय् वङ्गु न्हापांगु अध्यायत जुल थौया मानव समाजता वहे अवस्थाय् तयो तय थाकुई, न अथे हे च्वड च्वनय् फै, न त अजगु कुतः हे यूगता ल्वःगु जुय फै ।

ख्वप देया चुकः दबु व प्यट्टकांलागु लॉपु थाय् थाय् हे रंगशाला जूगुलिं व डातापोल्हँया उलि च्वःजगु डबली व उलिमछिं च्वयया ताकीं देवी गणपुं प्याखं ल्हू ल्हू क्वहँ वङ्गु लू खां बलय् च्वमिता उत्साह नपां अजु चाय् पुकल । धात्थें थौया 'सडक नाटक' वा 'नुकड नाटक' भीता छुं न्हूगु खॉ मखु ।

ख्वपया म्यें - प्याखंत व संस्कृतिया

खाय् थःगु मिखाया नानी व प्राचीन नेपः देया दुनुगल निसैंया सः थें हे ताय्किम्हा च्वमिता गेट मेकनरया अंग्रेजी वा विदेशी भाषं च्वयो तः गु साफू, त्रुटि, दोष व खॉ ल्हाङ्गु वा सः तईगु (उच्चारण) दोष नपां पूमवांगु सूचं व जानकारी याडः हे साफूति छुं भाति मिलय मजुयो वांगु खानय् दः । धात्थें थाकुया दोष मखुसा । नाय्खिं जुयमःथाय 'न्याय खिं', 'दाफा छँ' ता 'डफाछँ', खिं पुजाता 'ख्वपउ पूजा' जुगु दः । अथेहे ब्यासी त्वःता 'बायासी टोल' जलॉ प्याखं (ल प्याखं) २१ त्वः ता (२१ चोक), याछँ, (याक्षें), थ्यासाफू (थ्यासापो), महाकाली (मुहाली), सापारू (सपरा) जुगु दः । नौबाजा (नव बाजा) सिछ्याभूस्या (सिम्या - भूङ्ग्या), गाथा वा उजजू (गठे) व कुम्ह तय्गु न्ह्यस खः ता (चौरासी) चय्प्यंगु त्वः जूगु दः । अथेहे धूवा खॉवः ता धँव' द्यो ल्हाय्गु ता' दये हालाङ्गु, तँः ता 'ता' थीथी न्यड मथुगु श्रुति दोषं मिलय याय् मफूगु नं दः ।

थाय् थासय् सललल न्ह्याङ्गु व काव्यात्मक शैली, खॉपुं विषयवस्तु याय् पुकयूता, हाय्पुकयूता च्वमि तस्कं तःलागु खानय् दः । 'खल गरौं, खपाली एकलनकाल' थजगु खापुत व खॉवःत छ्यलांः भाय् खय् न्हूंगु छनक खानय् दै । दमौडीहरू, छेक पुगों, विसु (विस्का) छिमला, सांस्कृतिक पाकताउली थजगु न्यनय् मरुगु खॉवलं याड ब्वनामिपिन्ता इतिमिति कांकः बिई । खा-ऐला, थान (थाय्), अपलं अपः दुरिष्टत (थुप्रा थुप्रा टुरिष्टहरू) हापभाप (तामभाम, भिलिमिली) खॉवलं नं मछिंक ब्यूगु दः ।

ब्यासी त्वालया ज्यापुत, कुम्हत सापारू बलय् दकलय् न्हापां दकलय् त हिम्हा समायाक, छाय्पियो तगु थ्यं मथ्यं हिन्त्यकु हाकगु शोभा खट न्ह्याङ्गु ब्योह नपांया इहिया अजनं ल्यंकः मानेयाडः च्वंगु समाजय् मिसात तिरस्कृत जूगु मरु धाय्गु खॉ धःसा सत्य मखु । थुकिया खाय् च्वमिता मखुगु सल्लाह ब्यूगु खानय् दः ।

‘... आपाहांगु कला समाजया सर्वसाधारण व फुक्कसिनं थामेयाडः च्वंगुली उगु इलय्या, समाज व्यवस्थायान् नं तहांगु लिच्चः लागू दः । समाजया थी थी वर्गख्य आर्थिक अन्तर अपलं मपा । खप देश्य लखपतित मालयता सालिग्राम मालय्यु थें थाकु ।’ थुगु धापू धात्थें छुं नपां ज्वः मला । नेम्हा प्यम्हासिं ब्यगू सूचंता जक कायो स्वयांजक समाजया फुक्क किपा, वर्गीय जटिलतात थुइके मफययोगु छुं अस्वाभाविक मखु । खपया समाजय २००७ साल व १७ साल स्वयो न्हापा (आर्थिक अन्तर) धेवा दः पुं व मरुपुं मेगु समाजय थें हे खः । ज्यापु किसानत धात्थें धाय्यु खः सा अर्धदास (च्यो भ्वातिं) थें हे खः । छगू छगू त्वाल्य व गल्ली छम्हा छम्हा लखपतित दः । न्हापाया अपलं सत-फल्चा, देशः अमिसं हे दयकगु खः। खप देया सामाजिक स्तर व वर्गीय समाजया खायँ विस्कं हे च्वसू च्वयमः। दासयुगया दास मालिकपिसं थःता मःथें यो थें छँया घरेलु, छुं नं सय्केगु दयकेगु उत्पादन या ज्या, लडाकु, लॉ दयकेगु व विकास निर्माणया ज्या जक याय्यु मखु प्याखं स्यनय्यु व च्वयगु ज्याया दासत नपां दयक तै । थुगु खॉ ग्रीस, रोम, भारत, चीन व नेप देशय नं छुं विशेषता काथं लागु जगू दः।

न्हागुनं वस्तुया बांलागु व बांमलागु पक्ष च्वका व प्वका दै । लिच्छवी व मल्ल जुजुपिसं क्वय्या वर्गय शास्त्रीय म्यँ व प्याखंया पूसाहवल नेपः देता न्हँगु सभ्यता व संस्कृति ब्वलांकय्यु मौका बिलासा उगु सांस्कृतिक दासताया प्रचारं विद्रोहता नं ख्वंकः बिइगु चाकुं पाड तःगु विष हवलय्यु ज्या याइगु । थुगु खायँ च्वमिं पाय्छि हे धःगु खः ‘पारम्परिक प्याखंत, म्यँ व बाजा थाडः च्वयक थुगु खप देश्य जनतात कला कौशल्य जुयो ल्वापु याय्यु रण कौशल लुमांक, छ्वगु इलयता कायो ल्वायगु रण कौशल्य तस्कं दक्षपुं गोर्खाली त्याकसेलिं थानाया संगीत व प्याखं फ्यासुयो वांगु खः।’ (पृष्ठ ३५)

मल्ल जुजुपुं हिखं नेवः, मखुसँ आर्यत हे जगुली स्थानीय जनता व जुजु शासक पिनि दश्वीजुइगु ‘जुजु व प्रजाया स्वापुया सांस्कृति तादात्म्य’ सं च्वमिया बिचः आदर्शवादी धाय्छिं । आदर्शयां यथार्थ स्वयो तापागु जक मखु अखः हे नं जुई । खः, गोर्खाली पिसं त्याकानिं खप देया जक छाय् छुं नं जातिया संस्कृति च्वजाला धायता तस्कं थाकु । मल्ल जुजुपिसं पिगु सांस्कृतिक दासताया बाली थौं तक नं च्वयया बर्ग बाली लयो दुकायो च्वना धः सा च्वमिता न्हँगु खॉ जुयफः । समाज व वर्णयाबारे च्वमिकय गनां गनां अः याकचा (एकात्मकता) खानय मरुसां भारतया संगीत नाटक अकाडेमी, अमेरिकाया केनेडी सेन्टर, रुसया बोल्सेई थिएटर भारतया सिमलाया, भाइ सरिगल लज (राष्ट्रपति भवन) ता सर्वपल्ली राधाकृष्ण उच्च अध्ययन केन्द्र हिइकेता न्ह्याकगु पला, फ्रान्सय राष्ट्रपति देगाल व विद्वान मालौनं कलाता च्वजायकेता यागू ज्यात गान बजान व सांस्कृतिक लागं नं देता जुइगु आर्थिक लाभया खायँ स्वीडेन व मेमेगु देया दसुता नेपः देश नं सकारात्मक ढङ्गं काय फयकेमः धाय्यु खायँ सहमत जुयता सुयातां थाकुइ मखु ।

लोक म्वाकः तय्युम्येयागवः त च्वयो लिपिवद्व यायता बाद्यवादनया ताल, लयता रेखाङ्कन व ध्वन्यांकन याय्यु प्याखंया फुक्क मुद्रा, चाल, चहपह व अभिनयता किपालु कायो वा च्वयो चित्राङ्कन याडः उकिया अर्थता नं व्याख्या याम्मः धाय्यु च्वमिया बिच खय् गनां हे मखु धाय्यु थाय् मरु ।

सम्बर्द्धनया खायँ च्वमिं ध्यान तःगु दःसां छुं छुं तानय् मालि थें च्वं । प्रज्ञाप्रतिष्ठान, संस्कृति मन्त्रालय, विश्व विद्यालय, पुरातत्व विभाग थजगु फुक्क सरकारी व गैर सरकारी संस्थातय्यु ग्वाहाली खय् अः याता खपय् नाचगानया महा विद्यालय चाय्के मः । पूर्वीय व पश्चिमी शास्त्रीय नाच गानया सःस्युपुं ज्ञातात व स्थानीय गुरु पिनिगु मंकः प्राध्यापनय् न्हँगु

पुस्ताता स्यनय् फःसा तस्कं बांलाई । (छात्र छात्रा) मिसा मस्त व मिजं मस्तयता धेवा म्वायक छात्रवृति या ब्यवस्था याय् फःसा व्यवहारिक जुई । थौं कन्हेया अन्तर राष्ट्रिय स्वापु विविधताया युग व देया पर्यटन उद्योगता नपां बिचः याडः शास्त्रीय व ब्यापारी नेकाथं हे पला छियफःसा बांलाई । थुगु लगाया प्राध्यापक गुरुपुं व मिसामस्त व मिजंमस्तयता विदेश्य ब्वज्या यो वानय्यु नपां मेमेगु सहूलियतया व्यवस्था याय् फःसा मन ह्वई ।

श्व बाहेकं च्वमिया विचः काथं राष्ट्रिय नाचगान संग्रहालय, एकेडेमी अनुसन्धान संस्थान पिथनात व साफूधुकु मदयक मगा । खयां काव्य, नाटक साहित्यता हे नं ध्वनि, चित्र, अभिनय व मूर्ति दयकः मनूतयसं थःगु नुगः खॉ प्वंकी । अथेहे साफू, प्याखं-म्यँ त, किपा च्वज्या, मूर्तिकला, काष्ठकला वा वास्तुकलाया च्वजःगु खः । खप देता पेकिङ्गया गृष्म दरवारया प्यागोडा, थाइल्याण्डया लुं याय्यु देगः, कम्बोडियाया अङ्कोरबाट, बरोडा, बनारस समरकन्दया च्वजगु कला नपां लाडः स्वगु दः विदेशी विद्वान पिसं । रहस्य जःगु अन्तिम छुं (रहस्यको अन्तिम घर) धाय्यु थःगु साफूति इ -ए. पावेलं क्व जिइकः हे वास्तुकला व कला स्वयबलय् भादगाउँ (खप दे) अलादिनया गुफा खः । श्व वास्तुकलाया विषय वा अजुचायपूगु थायया संगम खः । नेवः कलाया निधि व सम्पतिया तःहांगु धुकुति खः धायो द्युगु दः । उकिं च्वमिं हकनं ताडः दी- ‘खप देया लाय्कु स्वय मखांसा बच्छी एशिया स्वय मखांगु थें जुई’ ।

श्व हे खॉ नाचगाणया लागाय् नं खः धाय्यु खॉ विद्वान जगदिश शम्शेर राणां थःगु ‘नाचगानको राजधानी भक्तपुर’ सं धायो दी । उगु विपटासं मे मेपुं ज्ञातात वयकया च्वजः गु ल्यज्या खं सहमत जुयगु अपलं थाय् दः । खपे देया विषय वयकपाखं मेमेगु च्वसु त च्वइगु आशा याइगु स्वाभाविक खः ।

पूँजीवादय् समानता व मानव अधिकार ब्वसामारीजक

- वितेक

पूँजीवादी व्यवस्थाय् पूँजीपतिवर्ग तानाशाही चलय याई उगु शासन व्यवस्थाय् ज्या साड नै पिनिगु अवस्था धःसा भन - भन क्वह्यडः वानि । ज्यासाड नैपुं ज्यापु ज्यामित ग्वाकय फः सा जक पूँजीपतिवर्ग अमिपुं शत्रु धायगु थुई अलय अमिगुविरुद्धय ल्वाई । वहे वर्ग संघर्ष खः । वर्ग संघर्षया लॉपुं पूँजीवादता क्वः थयो समाजवाद निःस्वानय् फै । सशस्त्र संघर्ष जक पूँजीवादता हाँग निसें लिडः समाजवाद निः स्वानय् धायगु मार्क्सवादी विचः खः । पूँजीपति वर्ग ज्या साडः नैपुं वर्गता समाजवादया लॉपुई हःनय वानयगु लॉपुत तिडः, पाडः थी थी जालसाजी याडः च्वनि । अमिसं पूँजीवादी व्यवस्थाता जनवाद, प्रजातन्त्र, लोकतन्त्र, गणतन्त्र, मानव अधिकार, उथेंग्यंगु समानता थजगु खॉग्वलं छायापियो मिखा पिडकः तै । वया फुक्क पूँजीपति वर्गया विरुद्ध जनताया तं स्याय्ता ह्वलः, चाकू भुड तःगु खॉग्वःत जक खः । छगु नेगु दसुत स्वयः ।

संविधान व कानुनय प्रेस स्वतन्त्रताया अर्थ पूँजीपति वर्गया थःयत्थे यायगु मनपरी तन्त्रता वैधानिकता ब्युगु अर्थय् थुडकसा मखु जुई मखु ।

शिक्षाखय फुक्क उथें ग्यनिः

नेपः या संविधानय् शिक्षाखय सारा जनताया उथेंग्यंगु पहुँच(शक्ति) दै जक च्वयो तःगु दः । धात्थें फुक्क नागरिकपिसं उथेंग्यंगुः शिक्षा काय् खाडः च्वंगु दःला ? थौं कन्हे लाखौं ब्वनामिपुं पाठ्यपुस्तक मदय्क वाध्य जुयो ब्वनय् माल च्वंगु दः । सरकारी ब्वनय् कुथि न विषयगत शिक्षकपुं हे दः नः साफ् कुथि, ल्याब हे दः । व हे ब्वनामिपुं मेपुं सहरिया ब्वनामिपुं नपां छगू हे न्हयसः पौ खय् जाँच वियता वाध्य जुयो च्वंगु दः । शिक्षाता निजीकरण यागुलिं ब्वनय्कुथि व कलेज शिक्षानिसें हे समाजता च्वययाय्गु वर्ग व क्वय याय्गु वर्ग काथं ब्वथल च्वंगु जुल । शिक्षाता तहांगु ब्यापार याडः च्वंगु जुल । पूँजीपतित गना लब दै आना चाकुई भुजीं भुं थें भुनि । छम्हा ब्वनामिपाखं हिगू हिन्यंगू लाख तका दां काय् दः सेलिंमेगु उद्योग चाय्किगु स्वयो शैक्षिक उद्योग चाय्केगु हे जुल । छम्हा एम.बि.बि एस डाक्टर ब्वनय्ता ५०/६० लाख तका दां काकी । गरिबपिनि लागिं व आकासं कुतं वै नय् धाय्थें जक खः । सरकारं व फुक्क छुट बियो

तःगु हे खः । दांकः भिंकः डाक्टर ब्वंकय् धायानं छाय् ख्वप विश्व विद्यालय स्वीकृत मबिला ? संविधानय् फुक्क नागरिकपिनिगु उथेंग्यंगु शक्ति दै धःगु थव हे खः ला ?

प्रेस स्वतन्त्रता

पूँजीपति वर्ग समाजवादय् छुं नं काथंया व्यक्तिगत व प्रेस स्वतन्त्रता दैमखुदक द्रुपं बियो च्वनि । धात्थें थव मेगु फय् खॉ खः । पूँजीवादी तय्सं प्रेसता थःगु लाहातय् म्हूछिडः तय्गु याता हे स्वतन्त्रता दक मति तै । अः देशय् न्ह्याडः च्वंगु सञ्चार माध्यम स्वत धःसा छगू छगू मिडिया हाउस छम्हा नं छम्हा पूँजीपति वर्गया लाहातय् म्हूछिड तःगु दै । अमिसं जनआन्दोलन क्वत्यलय्ता प्रेस्ता स्यल्लागु ज्याभ काथं छ्यल च्वनि । थःगु उद्योगं प्याहाँ वगु कमसलगु सामानता चुकय्ता अमिसं थःगु हे सञ्चार माध्यमं चाकु माकुगु फय्खॉता भिलिमिली याड-बय-बय याई, जनताता मनय् बांला धायगु लिचवः लाकी अलय मतिमतया थें यक्व यक्व लब-नै । देश व जनताया नितिं ज्या याडपुं राजनैतिक दलया नेता कार्यकर्ता पिनिगु चिच्या चिच्या हांगु कमजोरीता हाम्बता पर्वयाडः अपराधी काथं बय बय याई अलय थाहाँ हे वय मफय्कः न्ह्यगु कुतः याई । थुकाथं स्वयंवल्य सञ्चार माध्यम छगू काथंया बन्दुक म्वः पुं सेना खः । च्वसाता बन्दुक व बम स्वयो स्यल्लागु ज्याभः काथं अमिसं छ्यल च्वंगु दः । थुजगु खॉ भातिजक जूसां पुष्टियाय्गु ज्या गृहमन्त्री ल्याहाँ वानय् धुडानिं रवि लामिछाने पाखं याता । वं तमय् हे जूसां हिन्यम्हा दाजुकिजाया बारे नेगू प्यंगू गम्भीर बिषयत पिता हला । मिडियाँ गरिब जनताया मिखालय गथे धुलं छ्वकिगु धाय्गु छगू स्यल्लागु दसु पेश याता ।

पूँजीवादी तय्सं उथेंग्यंगु समानता व मानव-अधिकारया खॉ खुब बयबय याड च्वनि । आर्थिक समानता मरुगु मानव अधिकार भांगः खॉजक खः । अः गरिबतय् छछा नय्ता थाकुयो च्वंगु द, ज्या दयकेगु नामय लाखौं ल्यासे ल्याम्होपुं विदेशय् वानय माल च्वंगु दः । शिक्षा व बांलागु उपचारया बांलागु ब्यबस्था मरु । अलय संविधानय् धःसा मानव अधिकारया खॉत न्हिथाड तःगु दः । व जनतां छ्यलय्ता स्वयो क्यनय्ता जक खः ।

राज्यया प्यंगुगु अंगजक दावी याइगु मिडियां याड च्वंगु गुल्लिं कुकृत्यया दसि प्रमाण तयो पिब्वता । थुकिं अपलं मनूतय्ता म्हाय् ग्यला ग्यला याडः थाडः ब्यूगु दः । श्वहे खः पुँजीवादय दैगु प्रेस स्वतन्त्रता । समाजवादी देशय सञ्चार जगत सरकारया लाहापा द्रुलायँ तयो तै । आधिकारिक विषय बाहेक छुं नं विषय जनताता भ्रमय लाकिगु ज्या याइ मखु । मिडियां जनताता ग्वाकय्गु छगू ज्याभः व चेतनास्तर थाकाय्गु बाहेकं व्यापार याय्गु उद्योग काथं नं छ्यूली मखु । पुँजीपति वर्ग थः यत्थे ज्या याय मदैगु जुगुलीं अमिसं समाजवादी व्यवस्थाया विरोध याई । अलय तानाशाही व्यवस्था दक द्रुपं बिई ।

धात्थेधायगु खसा न्ह्यागु नं राज्य व्यवस्था तानाशाही हे जुयगु याई । छु अः पुँजीवादी तानाशाही जुगु मरुला ? प्रेस स्वतन्त्रता दः धाय्वं जनतां तःतः हांगु मिडिया हाउस न्ह्याकय् फैं मखु छाय धःसा अमिकय् करोडौ व अरबौ धेबा दैमखु । अः पुँजीपति वर्ग रेडियो, टेलिभिजन, व तःतः हांगु रंगीन छापा दैगु न्हि पौ, वा पौखय् अरबौ लायतयो न्ह्याकः च्वंगु दः । अपुं नपां ज्या साड नैपुं वर्गया सञ्चार माध्यमं धिं धिं बल्ला याय् फैं मखु ।

योग्यता काथंया ज्या व ज्या अनुसारया ज्याला, आर्थिक समानता, फुककसिता ज्या दैगु पक्का, शिक्षा व स्वास्थ्य धेबा पुलय म्वायक निःशुल्क धात्थेगु अर्थय मानव अधिकार खः । श्व समाजवादी व्यवस्थाय जक दै । उकीं मानव अधिकारया धात्थे खय्क छ्यला समाजवादी व्यवस्थाजक याय् फैं ।

तः तः हांगु, मिडियां जनताया दश्वी भ्रम ब्वलांकयता नं उलिहे तःलाई । वांगु आम निर्वाचनता जक छक स्वयोदिसँ – सिद्धान्त व बिचहे मरुगु पार्टी दय्क नं खुल्लाया दुनय देशय् प्यंगुगु शक्तिकाथं हनय् वला । छु कम्युनिष्ट पार्टी तय्सं थें जनताता राजनैतिक रुपं सचेत व छप्पा छधि याडः हछ्याय् फैला ? छाय् छत्थुं हे जनता आपाहांगु विश्वास याता ? मिडिया हे थुकी तःहांगु ज्या यागु खः । एमाले, माओवादी, नेका पिसं नं थःथःगु पार्टीया तः तः हांगु मिडिया हाउसत चाय्क च्वंगु दः । नेपालय् कम्युनिष्ट नां जक तयो जुपुं पार्टीता अपलं भोत वगुया हुनि नं नेका व राप्रपा स्वयो छुं भाति हे मपागुलिं खः । पुँजीपति वर्गया आक्रमणं ग्याड, एमाले व माओवादीत थःता नेका स्वयो लोकतान्त्रिक जक हः जुई ।

पुँजीपति वर्ग थःगु वर्गया भिं याय्ता प्रचार-प्रसार याय् दःगु छुट व स्वतन्त्रतावाहेकं वाक वा प्रेस स्वतन्त्रता काथं बय बय याडः च्वनि श्व जनताया दखय् लिडयागु खहे मखु, अलय जुय फैं नं मखु । संविधान व कानुनय प्रेस स्वतन्त्रताया अर्थ पुँजीपति वर्गया थःयत्थे याय्गु मनपरी तन्त्रता वैधानिकता ब्यूगु अर्थय् थुइकसा मखु जुई मखु ।

मानव अधिकार

पुँजीवादी तय्सं उर्थेग्यंगु समानता व मानव-अधिकारया खाँ खुब बयबय याड च्वनि । आर्थिक समानता मरुगु मानव अधिकार भांगः खाँजक खः । अः गरिबतय् छछा नय्ता थाक्यो च्वंगु द, ज्या दयकेगु नामय लाखौं ल्यासे ल्याम्होपुं विदेशय् वानय माल च्वंगु दः । शिक्षा व बांलागु उपचारया बांलागु ब्यबस्था मरु । अलय संविधानय् धःसा मानव अधिकारया खाँत न्हिथाड तःगु दः । व जनतां छ्यलयता स्वयो क्यनयता जक खः । वलात्कारया घटनात न्हियान्हिथं जुयो च्वंगु बुखाँ प्याहाँ वयो च्वंगु दः । मानव बेचबिखन (मनूत मिय यंकिगु) तस्करया घटनां न्हियान्हिथं पत्रिकाया पाना जायो च्वनि अलय नय मखाड सीपुं, उपचार याय् मखाडः वाथा वाथा काड च्वंपुं जनताया तं व छ्वखना सः न्यनय म्वगु दिन मरु । अथेनं कानुनय 'मानव अधिकारमा सुनिश्चितता' बियो च्वडागु दावी याई । अमिसं धायोच्वनि- 'समाजवादय मानव अधिकार दैमखु' । खः धात्थे थजगु फय्खाँत पुँजीपति वर्ग जनताया दश्वी बयबय याडः च्वनि अलय भ्रम ब्वलांक बिई । समाजवाद मज्यू दक मनय् थांक बिई ।

योग्यता काथंया ज्या व ज्या अनुसारया ज्याला, आर्थिक समानता, फुककसिता ज्या दैगु पक्का, शिक्षा व स्वास्थ्य धेबा पुलय म्वायक निःशुल्क धात्थेगु अर्थय मानव अधिकार खः । श्व समाजवादी व्यवस्थाय जक दै । उकीं मानव अधिकारया धात्थे खय्क छ्यला समाजवादी व्यवस्थाजक याय् फैं । पुँजीवादी व्यवस्थाय प्रेस स्वतन्त्रता शिक्षाखय् उथिंग्यंक हक, उथिंग्यंगु अधिकार व उथिंखानिगु धाय्गु कपालय् छुयो तैगु स्वं थें जक जुई । अथेधाय्गु व ब्वसामारी जक अज धाय नक्कली खाँ जक खः । किसीया तैगु व क्यनिगु वाँ बिस्कं बिस्कं दः थें पुँजीवादय मानव अधिकार प्रेस स्वतन्त्रता व समानता अथेहे ब्वसामारी जक खः । पुँजीवादया थजगु व श्व थन्योगु विकृतिया खायँ जनता मगवातलय समाज हज्याय् फैं मखु । थौं कन्हेया ल्यासे ल्याम्हो पिन्के राजनीति नपां वितृष्णा पुँजीपति वर्ग श्वकगु भ्रमया लिचवः जक खः ।

मचा वैद्य

तापाक्क च्वंगु गामय् मां व मचा निम्हामाचा जक हनाच्वंगु छगु परिवार दु । व मचा न्ह्यदं च्यादं ति जक दुम्हा जूसां बरावर पिहां जक वना म्हित्यगुली भूले जुया च्वनीम्हा जुयाच्वन ।

छन्हु व मचा सदां थें प्याहां वनाः पासापिनाप थः यत्तले म्हिताः मांम्हं मखंक छें वयाः तलय् वैगलय वनाः सुला च्वंवन । मचा भच्चा अस्य म्हानं जुयाच्वन मांम्हासिया आः तक नं मचा दुहां मवःनि धकाः नुगः खुलुखुलु मिंकाः मरि छुना च्वन ।

मांम्हासिया कराईलय् साःप चिकं क्वय्काः मरि क्यलाः च्वाय् च्वाय् सः वय्क पुरि छुना च्वन । वैगः चाय् सुलाच्वंम्हा मचां छकः च्वाय् क सःवल कि “का छपा मरि छुत” धकाः निनाच्वन । जम्मा नीकः तक च्वाय् क सः वःगु तासेलिं मामं नीपा पुरि छुगु दु धइगुला सिगु हे जुल । लीपतय् मरि छुइ सिधसेलि मचाया प्वाथ्य तच्चकं सितार थाना हः गुलि तिजक थः सुलाच्वना थासं पिहां वयाः थः मांयात तय्जु याः वल । “नकतिनी ला दुहां वयागु ?” धकाः मामं मचायात न्वात । अय्त्नं मचां धाःसा थः वैगलय् सुला च्वनागु खँ नां मकां ।

“यो मां ! छं मरि र्वःपा छुनाले ?” मचां न्यन ।

“मस्यु, जि निनातयागु म्दु ।” मांम्हं लिसः विल ।

“का मानं मस्यु ला ? छं मरि नीपा छुगु दु, का स्व ।” धका मचां फूर्ति यानाः धाल । धात्थें मांम्हं मरि निना स्वःवले पायछि नीपा जक हे दुगु जुयाच्वन । श्व खना मांम्ह साप अजू चाल । मांम्हासिया मति “थः मचा ला तसकं हे सः स्यूम्ह खनि” धकाः मनं तुन ।

कन्ह्य् खुन्हु सुथय् मांम्ह अन हे सत्तिक च्वंगु गामय लः का वन । अन बूंगाः चाय् लः का वईपिं मिसातय् दथूई नाना प्रकारयागु गांमे छेंखा वःचा पतिं जुइगु घतनाया विषयय् कयाः नागः तुगः खं जुइगु जुया च्वन । मिसातय् जात मुलुक धन्दा कयाः खँहाबल्हा याय्गुला अमिगु स्वभाव हे जुल । मांम्हं नं सरूखुन्हु थःगु छेय् जूगु घटना खं उलाविल ।

“छिमिसं मस्यु, म्हिगः जिमी कायून पिनें दुहाः वयसाथ हे श्वःपा मरि छुनातःगु दु धकाः धया विल । धात्थें मरि निना स्वयां मरि वं धाक्व हे जुयावन ।” धकाः मामं खं कन ।

“अवश्य नं छिमि कायू वैद्य सः जुइ” धकाः मेम्हसिनं खं छुत ।

अथे जुजुं व मचायावारे व गामय् आपालं हल्ला जुल । सकसिनं धाइगु “फलानाम्हासिया काय वैद्य सः वं न्ह्यागुं धाय् फु ।” धकाः मनूतय्सं उखेथुखें वयवय याना जुल ।

संयोगवस अन गामय् च्वंम्हा छम्हा ज्यापु दाजुया मे ज्वय यंकूम्हा तना विल । गुलिखे उखेंथुखें माल नं मलू आखिरय कायल जुयाः व हे वैद्य सः धाम्हा मचायाथाय् वनाः धाः वनः ।


“का, छ कन्ह्य् वा । जिं विचाः याना स्वय्” धकाः मचां लिसः विल ।

उखुन्हु चानय् व मचां ल्हाति छ्वालिप्वाः छ्वाः दन- दन च्याकाः सुनानं मसिक जंगलय् दुने थ्यंक वनाः मे माः वन । मामां मामां व तन धाःम्हा मे ला जंगलय दुने थ्यंक वना घाय् नयो च्वंगु मचां खंकल । मचां मेयात अनहे छथाय् सिमाय् क्वात्तुक्क चिना थकल । धात्थे कन्ह्य् सुथ जुइवं मेथुवाः ज्यापुदाजु वयाः मचायात न्यंवल ।

“रव ? जि मे गन वन ? गुथाय् वन ? लुयाः मवला ?” का हुं । फलाना जंगलय थासय छं मे चिनातःगु दु ।” धकाः व मचां मेथुवाःयात धया छुत ।

मेथुवाः ज्यापुदाजु वनाः व मचां धाःथाय् माला स्वःगु बखतय् धायें थः मे ला सिमाय चिनातःगु जुयाच्वन । थःम्हा मे लुया वःगुलि मेथुवाः तः सकं लयल्य ताल । श्व खं सियाः सकलें अजू चाल अलय् ला भन हे सकसियां छ्वाः म्हुतं धयायें “श्व मचाला धात्थें हे जाःम्हा वैद्य खत” धकाः मती च्वन ।

हाकनं छन्हु व हे गामय् च्वंम्हा छम्हासिया अंगु छपाः तन । गुलि माला स्वत नं मलू । आखिरे व नं वहे मचाया थाय् वयाः “जिगु अंगु लुइका व्यु ।”



धका: हा: वल । व तंगु अंगुला छम्हा मचां कयातःगु जुयाचवन । धात्थें व अंगू कयातःम्हा मचा वयां वैद्य चवनाचवंगु थासय् हैं वयाचवंगु जुयाचवन ।

अंगू कयातःम्हा मचा वःगु खनेवं वैद्यमचां “वा निन्द्री वा ।” धका सःतल । धात्थें मचा न्हयःने वःवले वया ल्हाःती तंगु अंगू खन ।

“आम अंगू छं गन कया हया ? स्वय, आम जिं कयातय् हिं ।” धका: व वैद्यमचां मचायाके अंगू हेका काल कन्हय् खुन्हु अंगू थुवा: वःवलय् वयात अंगू विल । थुकें याना नं व मचाया नांला भन गामय् दक्क भनं न्यन । वैथाय् क्यं वक्कसिनं वयात गाक्क दां सिरपा विया थकीगु जुयाचवन ।

छन्हुया दिनय अथे हे चंखेदाजु धाःम्ह छम्ह वया: “श्व मचायात भंगः लाय्, श्वें गथेयाना सिइके फैं” धका: थःगु ल्हाती न्हयाय्कं चखुंचा छम्हा म्हूचिना: मचाया न्हयःने वया: “का धा । जिगु ल्हाःती छु दु ? धाय् फसा छन्त क्यावात, मफुसा... ।” धका: धा: वल । (न्हाय्कं चखुंचित नेपाली भाषां निदुली धाइगु जुया चवन)

व मचायात ला तःसकं फसाद जुल । ल्हाःती प्वचिना तःगु गथे याना धाय्गु ? उकिं वं थःत फसाद जुया: छुपु म्ये चिना: धालः-

(म्ये नेपाली भाषां थथे खः)

गनी गनी रोटी जानें

रांको वाली भैंसी पाएं

निन्द्री डाक्दा मुन्द्री पाएं

अब आयो तेरो काल, निदुली !

(नेपाल भाषां म्येया भाव थथे खः)

ल्या: खाखां मरि सिईका

मुस्यां: च्याका म्ये लुइका

निन्द्री सःता अंगू लुइका

आ: वल छँगु काल, न्हाय्कं चखुंचा !

व मचावैद्यया तःसकं फसाद जुया: थःत थम्हंतुं ‘निदुली’ (न्हाय्कं चखुंचा) धका: धाःगु खः, तर संयोग व चंखे दाजुं ल्हाःती दुने नं न्हाय्कं चखुंचा हे प्वः चिना तःगु जुया: “अहो । श्वंला सिके फत” धकाह “का स्व ।” धका: ल्हा: म्हू फेना: न्हाय्कं चखुंचा क्यन । अलय् व चंखे दाजु न व मचायात बाध्य जुयाह “श्व मचाता तन्त्र मन्त्रं पारंगतम्हा वैद्य हे खः” धका: धन्य मचावैद्य धया वन ।

उलिचिया बाखं थुलि ।

नेपःया पुलां बाखं पाखं

छगू लाँपु

-आशा कुमार विकंबञ्जार

थौं सरस्वती पूजा, श्रीपञ्चमीया दिन । मनय अनेक तर्कनाया खाँत तामय् थू इरु थिरु जुथें खाँ नं इरुथिरु जुयो चवन हरिया । द्यो पूजा याडां आखः सइला ? ज्या सैला ? नुगलय् स्वथानय् फैला ? मनूत चन्द्रलोक वाड मंगल ग्रहय् वानयगु मति तयो वैज्ञानिकत लिइमलाक जुयो चवंगु दः । ब्रम्हाण्ड्या अध्ययन याय्गु तातुड हज्याड चवंगु थौ या ई नपां थः ता दुबिकः वं मनप्वः चित । वं थः द्योकय् मवानय्गु क्वःछित ।

ववनय् कुथिया व्वनामिपुं फुक्क ववनय्कुथिया हःनय मुँ वल । लाइन चवन । मिखा तिसिड सरस्वती बन्दना यात । पुजा ज्वडः श्रद्धाभाव तयो सरस्वतीया देगलय् वान । हरि याकचा ववनय्कुथिया छ्यलय् दाडः चवन । वया मन थातय् मलाता । उखय थुखय् इरुथुरु जुल । अलय् छकजुसां स्वय माली धाय्गु खाँ क्वः छिडः वयागु पला ससुद्यो पाखय् न्हयातः । द्योथाय् थ्यनय् वं आखः व्वनिबलय् न्हयाव्लें लिपलाइम्हा मिसा मचाया श्रद्धाभावं करुण सलं सःपिकायों थः ता आखः सय्कः ब्यू धायो भक्ति याडः चवंगु लू वं खान । अलय् जाकी स्वंगः नयो पिनय् वयो सरस्वतिया नां नं सलां खं चवत । सलां चुं घाँटी बुलः । छखय् लिइक वाडः विज्ञान साफू पिकायो पुइकः पाठ नं ववन । हरि मास्टर अजुचाल । वयागु ज्याखाडः हरिमास्टर मचाय्कं हे देगलय् द्रहँ वाडः सरस्वती द्यो भागया याडः वयो स्वंगः किग नयो वहे मचाया लिक्क फयतु वाडः न्यन । नानी छं मथुगु छुं पाठ दःला ? मचां धाल - सर थौं निसें जिं थुल । द्यो भाग्ययाडः व्वंसा मन एकत्रित जुयो ववनय् फै गुलिं नुगलाय स्वथानय फैगु जुयो चवना । छिं व्वंक द्यूगु पाठ जिं थौं तिति थुला ।

मचाया खाँ पत्या मजुयो मास्टर साहेबं न्हयसः न्यंको वं लिसः बिल । अँ ! संस्कृति पुलाँ जुयफः । थुकिया छ्यला भिंकः याः सा वनं छगू लाँपु जुययो खनिं । वं संस्कृतिया महत्त्व थुइकल । छुं नं ज्या याय्ता नं छगू छुं लिधंसा मः खनिं । वं सरस्वतीया महिमाया छुपु न्हँगु लाँपु लुइकल ।

शिला चहे दुवालःस्वय बलय्

आशा कुमार चिकंबजार

चिकुलाया चिकू पुकः कयकुडः- च्वंगु शरीरय् शिवरात्रीया शिलाचा छवयकः मिपाडः सम्हय् बजी नयो ज्यू क्वाकय्गु छगू नखा-चखाया कचा चखा खः शिला चहे । शिलाचा छवय्किगु चहे अथे धाय् महाद्यो, शिवया नामय् मि छवय्किगु चहे । अजनं धाय्गु खःसा जनमानसया धापु काथं महाद्यो चच्छी जागराम च्वडः उखें थुखें चाहिलः थः पुं भक्तपुं मालः वरदान बियो जुइगु चा जुगुलिं चिकुलाफुत हे धाय् मफूनि, ताल्ला उली मक्यनिगु ई याता बिचः याडः चच्छी मि छवयकः शिव ! शिव ! शिव !! धा धां चच्छी मद्योसैं शिवया नां कायो च्वंसा पाप मुक्त जुइगु धार्मिक आस्था अलय् समाजया विश्वास । उकीं शिला चहे धार्मिक आस्था छगू लोकं ह्वागु दिं । उकीं हे थुगु संस्कृति अजनं कः घाडः वयो च्वना तिनी ।



महाद्यो, शिवलिङ्ग, कैलासपति, शङ्कर, भोले न्ह्यागु हे धःसां महादेवता आशुतोष अथेधाय मथां हे लय ताइम्हा जकधाई वहे महाद्यो थ्वहे शिवरात्री खुनुं सृष्टि जूगु व पार्वती नपां अक्षय तृतीया खुनु इहिपा जूगु जक उगु दिनता तस्कं पवित्रगु धाई ।

शिव महिम्न स्तोत्र सं-शिवजी व छलपोल न्ह्याथिन्योगु रुपय थजुयमःवहेरूपय छिता अनियाय् ।' माधव पोखरेल जुं च्वयो दि- यक्व यक्व भक्तपिसं तस्कं श्रद्धा याड तम्हा शिवजीया स्वरूप पुराणं म्हासिइका पिब्वयो च्वंगु खः । गना वयाय्गु कपालय् गंगा नदी ब्रुयो वयो च्वंगु दः। मपुं द्यो तय्के स्वयों महाद्योकय जटाधारी साँदः म्हा, जवः पाखय् चन्द्रमा छुयो तःम्हा चन्द्रशेखर द म्हा

धाई । स्वर्ग भगीरथं गंगा ब्वड ह्य धःबलय् गड्गां थः ता सुनं पानी धः बलय् महाद्योवं थःगु जता फ्यडः, फालाहाँ तयो फयोकःगु अलय महाद्योया जता हे प्याकय् मफः गु, वहे इलय महाद्यो वं सापः प्याडः गड्गाता मःछि जक नाः पिकाय्कः पृथ्वीया रक्षा यागु नं च्वयोतःगु दः । अथेहे न्ह्याब्लें चन्द्रमा जःपाय लाइला ?“ धायो महाद्यो याय् दसुक्यड भाग्य नपां ज्वलाक स्वयगु या काथं महाद्यो तस्कं भाग्यमानी म्हा दक मानय याडः तःगु दः । नपां स्वंगः मिखा दः म्हा त्रिनेत्रधारी महाद्योया धेबा खानकी महादेवं नपां स्वंगः मिखा कानिगु धायो धेबाया लोभया खाँ नं थुगु खँत्वा खय् स्वथाडः समाजता ग्वाकः च्वंगु सियदः ।

महाद्योया समाजवलं अथे धाय् तिसावसया वर्णन नं तस्क न्यनय् हायँपु सा अजु चाय् पुसे नं च्वं । रुद्राक्ष क्वखायो, सर्प क्वखायो, लाहातय् तुतिखय् चुल्या व कलि न्ह्याड, म्हायँ विभूति ब्रुयो, किसीया छ्यंगू फियो, धुँ छेगु हिडः जुइम्हा महाद्योया शस्त्र त्रिशुल खःसा थःवगुया सङ्केत डबडब (डमरं) थाड, बिई । अलय् थुसा (नन्दी) गयो, भिक्षा फ्वड, जुइम्हा अपलं नाड्गा भोगाथें जुइम्हा महाद्योवं गाजा, भाड, धतुर सालः, ब्योहमा या हः लं तपुयो जुइम्हा दक धाई । वहे ब्योहमाया हः, चच्छी चिकुयो थःम्हा सिकार चलाचा ल्याहाँ वैगु लाँ स्वयो सिमा गयो च्वंम्हा ब्याधां स्यू स्यू हाल ब्योहमाया हः कुतिकृति याडः क्वफ्वागु शिवलिङ्गया कपालय लासेलिं लयतायो व्याधाता पापं मुक्त याडः ब्यूम्हा महाद्यो भूत-प्रेत, नपां च्वडः मनूया कपः मँ क्वखायो मसानय् च्वनिम्हा दकनं धाई । थः ता हे न्ह्यो च्वय् थाहाँ वांम्हा खुँ याता ओहो छंया म्हाछिं हे जिता छाला, मेपिसं स्वजक छाड्गु जि छखाडः लयताय धुन छु वरदान फवनय्गु धः बलय् व खुं वधाय् थव धाय् मदयो आताहां च्वडः च्वंगु खाडः लुँ चुं छभू ब्यूगुलिं लुचुं महाद्यो (सूर्वणेश्वरया) बारे अः नं भ्नी पुखा पिसं न्यंकी । उकीं धाई गजम्हा खः अथेहे नयो-तियो व ब्यवहार याडः जुइम्हा जूगुलिं वसपोल थजम्हा मेपुं सुहे पौराणिक द्यो हे मरु । उकिं द्यो याय् नं द्यो महाद्यो दकः स्वनिगलय् आराध्यदेव अथे धाय् थः थमं सृष्टि जूम्हा महाद्यो काथं श्रद्धा भावं पूजा याई ।

गनां गनां महाद्योया परिवरिया बारे थथेनं धःगु न्यनय दः-गणेद्योया बाहाँ छुँचाय्ता महाद्योया तिसा सर्पनय्तान उब्ले हे

सर्पता कुमारया बाहां म्हवय्खां सर्पता नय्तान । अथेहे पार्वती (भगवती) या बाहां सिंह गणेद्योया कपः हे ताकय् याइगु । थ्व फुक्क स्वस्त्रं सायद महाद्योवं दिक्कजुयो जक गाजी साल जुलाला ? गाजी त्वडः च्वंगु इलय जलंधर वयो पार्वती फ्वँ व बलय् कना धायो बियो छ्वम्हा महाद्यो पाखं लागू पदार्थ सेवन हानिकारक दक कानय तांगु सियदः । उकिं हे धायो तःगु जुई - 'बजां पासां मिसा खत्तम' दक ।

महाद्योया तःपा ख्वः पा दः सां नं थःता मालिबलय तःगु रुप नं काय् फःम्हा काथं महाद्योता काई । क्रोधया रुपं काथं भैरब जुयो नं क्रोधित जुय फःम्हा महाद्यो कालकुत विष नयो संसारता ल्यंकः तय्गु ज्या नं यागु धायो च्वंगु दः ।

कैलाशपर्वतया च्वसं विज्याम्हा महादेवया देवः भूमि, क्रिडास्थल अलय् थीथीरूपं म्हितगु थाय् नेपः दे महाद्योया दकलय योगु थाय् धायो थीथी पुराण ग्रन्थय च्वयो तःगु दः । अलय मृगस्थली मृग जुयो मृगिनी नपां म्हेत च्वनिगु, मानसरोबरे ब्वहार्यँ (राज हाँस) जुयो म्हेत च्वनिगु नपां अनेक रूप नपां अनेक पहःलय् च्वनय् फः म्हा महाद्योया मेगु रूप नासः द्यो काथं नं नेवः समाजय् मानय् याडः च्वंगु दः । अलय गुम्हासिं नटराज व नाट्येश्वर धःसां श्रद्धेय नेता नारायणमान बिजुक्छँ जुं थ्व नासः द्यो व हैमा द्यो भूगु संस्कारे अपुं नपां पागु खाँ काड द्युगु दः । (सयवर्ष पछिको भक्तपुर) उकिं नुवाकोटया कविलाशय् छुं नं सांस्कृतिक ज्या इवः स्यनिबलय् वानिगु चलन अजतं दःनि ।

महाद्योया डमरू (कान्तां डबडबचा) त्रिशुलया क्वसं तयो जुइम्हा, अलय रुद्राक्ष क्वखायो जुइम्हा धाय्गु म्हासिका नपां वहे डमरूया बोलं आखया बोल पिकायो व्याकरण दयकगु धाय्गु नं या । उकिं महाद्यो संहारकर्ता जक मखु रचनाकार व सांस्कृतिक गुरु काथं नं डालः वयो च्वंगु खः ।

शिवलिङ्गया थी थी रूप मध्ये डापा ख्वपा दःम्हा पशुपति महाद्योया स्वरूपता दकलय च्वजःगु धः सां ख्वःया आकृति मरुगु शिवलिङ्ग यत्रतत्र सर्वत्र खानयदः । सय शैलुड, लख महाद्यो पित्तु उद्धारया नितिं श्रद्धा याइम्हा महाद्यो काथं काई । उकीं स्यां छँ सुं दिवंगत जुल धःसा सतबिज ह्वलय्ता त्रिवेणी धाम वा अनेक धार्मिक स्थल वाडः थः पिनि मरुम्हासिया आत्मा शान्तियाय्ता सत्बिज ह्वः वानि । अलय् थः वयागु सूचं ख्वार्यँ अजाजुता बिय्गु काथं महाद्योया गणेद्यो गनां पञ्जीकाधिकारी जक खःला धाय्थें च्वं ।

महाद्यो संहारकर्ता धःसा न्ह्यागु नं पुचलय गण दय्क विज्याइम्हा गणया सृष्टिकर्ता काथं काय्गु या । (संस्कृति शिरोमणी हरिराम जोशी) रामं थापना याम्हा रामेश्वर, बाल्मिकी थापना याम्हा बाल्मिकेश्वर, हनुमानं थापना याम्हा हनुमन्तेश्वर थी थी

थासय् थीथी ज्याया लागिं थी थी नामं महाद्योता थापना यासां महाद्योया रूप्य गुब्ले हिंसा धःसा यागु खानय् मरु । उकीं महाद्योता धत्तुर, ब्योहपा, श्रीखण्ड तयो पूजा याय्गु याई । भीमेश्वर दोलखा भिसिंद्यो थाय् भिसिंद्योया रूप कायानिं जक बली बियगु याई । अलय शिवरात्रीया दिनसं पशुपति, डोलेश्वर यक्षेश्वर, नन्दीकेश्वर, आसापुरेश्वर, निष्कलङ्केश्वर, अनन्तलिङ्गेश्वर, धनेश्वर गना गना मंदः आना - आनाया महाद्योथाय् वानय्गु याः सां बहनी ब्रम्हा-विष्णु-महेश्वरया बालरूप दतात्रय वाडः दतात्रयया दर्शन याइगु चलन दः । द्यो थिय स्वयं मफूसा आना ताकी जक जूसां गय्मः धायो दतात्रय वानिगु नं चलनं आतलें दःनि ।

महाद्योया प्रसाद काथं द्योता, अफिम, गाजाया सबः काय्मः धायो बुलुई संस्कृति दुनय् विकृति हयो लठ जुइक च्वनिपुं ल्यासे ल्याम्हो पुं नं यक्वः दयो वल । पशुपति वैपुं नांगा बाबा वा बाबा जोगी पिन्ता धुनी जगय् याकः, भन्दानकिगु, हुन्डी बिइगु नपां लाँ खर्च बियो छ्वैगु चलन दुनय गाजा, भाड धत्तुर नं बियमःगु याता संस्कृति काथं कायो अमिसं अजगु लागू पदार्थया व्यापार याडः विकृति हःगु नं न्यनय् दः ।

सोमबारया वः महाद्योया वः धःसां एकादशी, बालाचहे, महाशिव रात्री (शिलाचहे) खुनुं महाद्योया पुजा याय्गु याई । स्वं, सिन्हं नपां श्वेत चन्दन योम्हा महाद्योया म्हवसतय् स्वध्वः चन्दन तिड तैंगु काथं महाद्योयाता त्रि लोकया मालिक काथं काई । अथेहे भूत, भविष्य व वर्तमान या खाँ स्यम्हा त्रिकाल दर्शी काथं नं श्रद्धा भाव याई । उकीं महाद्योया त्रिनेत्र (स्वंगः मिखा), त्रिशूल (स्वंगू शूल) काथं स्वंगः वा स्वंगूता प्रधानता बियो तःगु दः । गुकिं धैर्यताया पह दक थुइकेमः थेंच्वं । उकिं न्ह्यागुनं स्वकया कुतलय तः लाई दकः धाय्गु यागु जुयमः । अलय पञ्चमुखा महाद्योया पञ्चाक्षर 'नमः शिवाय' काथं अक्षरम्भ धुंक उच्चारण याकी । 'ॐ' नामं महाद्योता प्रणाम याकी । उकी हे 'ॐ' याता दकलय् च्वय तयो दकलय न्हःपां अक्षरारम्भ याकय्ता 'ॐ' निसें न्ह्याकगु खः ।

शिवरात्री सकल हिन्दू पिनिगु जक मखु धार्मिक सहिष्णुताया काथं शिवप्रति आस्था दः पिनिगु तहांगु, पवित्र दिन खः । त्रिलोचनया मिखालं स्वथें त्रिशुली खुसीया पवित्र व चोख नाः थे संस्कृति काथं डालःकायो च्वंतलय् शिवरात्रीया धुनी च्याडः च्वनि ।

वहे धुनीया कुँ खं वसन्त भः भः धाय्कः चिकुला लिडः छ्वयो, हाल ज्वी मनूत बम शङ्कर भोला । कन्हे न्ह्यागु थजु थौं बांला या नारा श्वयकः सत्मार्गया लाँपु ज्वडः सत्यम शिवम्-सुन्दरम् या पहलय हज्याडः च्वनि ।

खप नगरपालिकाया ज्या भवः त

सी पिङ्गु फल्चा निःस्वान

माघ २७ गते

खप नगरपालिकाया नगर प्रमुख सुनिल प्रजापति जुं खप नगरपालिकाया आ.व. २०७९/८० या स्वीकृत योजना पाखं खप नगरपालिका वडा नं ७ खोहे सुधारिएको (न्हँ काथं दयकगु) शवदाह गृह थिङ्क सी उःवानिपुं पिङः च्वनिगुफल्चा निःस्वाडः दिल ।



ज्या इवः सं प्रमुख प्रजापति जुं खप दे ता देया ब्वस्यलागु नमूना नगरपालिका पाखं म्हासिङ्का पिब्वयता नगरपालिका हज्याडः च्वंगु व थानाया छगू छगू लाग्गा सांस्कृतिक, धार्मिक काथं तस्कं लोकं ह्वागु महत्वपूर्ण जुगुलिं जनताया ग्वाहाली विकास निर्माणया ज्या हज्याक च्वंडागु खॉब्याकः दिल ।

हनुमानघाट धार्मिक रुपं तस्कं महत्वपूर्ण जगु खॉ ब्याकसे

ट्र्याकसुट इडः बिल

खप नगरपालिकाया प्रमुख सुनिल प्रजापति जु पाखं खप नगरपालिकाया ग्वसालय न्हिल्या २०७९ फागुन ५ गते निसं ९ गतेतक जुङ्गु अन्तर नगर पुरुष खोखो कासाख्य खप नगरपालिका पाखं ब्वति काङ्गु कासामि पिन्ता ट्र्याकसुट इडः बियो दिल ।



थुगु थासय् न्हँ काथं सुधारिएको शवदाह गृह' दय्कानिं थानाया जनताता सी उय्ता अःपुगु खॉ ब्याकसे अः सी फल्चा दय्कानिं थप सुविधा दैगु खॉब्याक दिल ।

खप नगरपालिकां छगू छगू वडाता ५० लाख तका विकास निर्माणया लागि बजेट छखय्लिङ्कगु नपाँ सम्पदात ल्यंकः म्वाकः तय्ता थप २० / २० लाख तका दांया बजेट छखय् लिङ्कगु खॉ ब्याकसे प्रमुख प्रजापति जुं खप नगरपालिकाया छगू छगू निर्माण कार्य सं इष्टिमेट स्वयो म्ह्वचा धेबां बल्लाकः भिंकः दाडः वयो च्वंगु खॉ कुलदिल ।

उपभोक्ता समितिपाखं याङ्गु विकास निर्माणया ज्याख्य स्थानीय जनताया थःगु धाय्गु भावना दैगु व म्ह्वचा लागतं ज्या क्वाचाङ्गु खॉ ब्याकसे वयकलं खप देता च्वजाय्केता नगरवासीपिनिगु अपलं साथ व ग्वाहाली मदयक मगा धायोदिल ।

ज्या इवः सं खप नगरपालिका वडा नं ७ या वडाध्यक्ष उकेश कवांजुं खप नगरपालिकाया जनप्रतिनिधि व कर्मचारी पिसं नगर व नगरवासी पिनिगु भियाय्ता हृदाय च्वडः ज्या साडः वगु खॉ कुल दिसे खप नगरपालिकाया समाजवाद उन्मुख ज्या इवः सं बःबियो वयोच्वंगु खॉ ब्याक दिल ।

उगु ज्या इवः सं ७ वडाया वडा दुजः रञ्जना त्वाती, प्रतिकालय निर्माण कार्य उपभोक्ता समितिया नायो बढीराम छुस्याबाग व वडासचिव विजय लोहला जुपिसं नं न्वचु तयो द्यगु खः ।

कासा या उलेज्या

खप कलेज, खप मा.वि. शारदा क्याम्पसया बार्षिक उत्सवया लसताय् ग्वसः ग्वगु कासाया धिंधिं बल्ला उलेज्या याडः दिसे खप नगरपालिकाया उप-प्रमुख रजनी जोशी ।



ख्वप अस्पतालया बार्षिक समीक्षा

फागुन १ गते

ख्वप नगरपालिकापाखं चाय्क तःगु अन्तरंग सेवा विस्तारया दाच्छि क्यंगु लसताय बार्षिक समीक्षा (लिफः स्वयगु) ज्या जुल ।



ज्या इवः सं ख्वप अस्पताल व्यवस्थापन समितिया नायो भाजु नपां ख्वप नगरपालिकाया प्रमुख सुनिल प्रजापति जुं सरकारी अस्पतालता फुक्कसिया विश्वास वांकः, ल्वय जूसा मवासैं मज्यगु थाय् काथं भरपदों याय्फःसा गरिब व ज्यासाडः नैपुं वर्ग्या बिरामीपिसं अःपुक सेवा काय फँगु नपां अमिता ग्वाहाली जुई धायो दिल ।

वयकलं ख्वप नगरपालिकापाखं चाय्कः तःगु ख्वप अस्पताल खःगु व बांलागु आलोचनात न्यँ न्यँ देया प्रतिष्ठित व व्यवस्थित अस्पताल काथं ह्छ्याय्गु मतिं हज्याडः च्वंगु खँ ब्याकसे अस्पतालया ज्या साडः वपुं चिकित्सक व कर्मचारी पिसं जनताया सेवा निःस्वार्थ रुपं सेवायाय्गु भावनां ज्या याय्मः धायोदिल ।

अस्पतालया प्रशासन, व्यवस्थापन, कर्मचारी अनुशासन व

सुचुकुचु लगायतया पक्ष अस्पतालया विकास व संरक्षणय् तःहांगु ज्या याइगु खँ ब्याकः बां बांलागु अस्पतालं सय्कः वयो ख्वप अस्पतालता देया राष्ट्रियस्तरया अस्पताल काथं ह्छ्याय्गु लिपाथ्यंकया तातुना खः धायो दिल ।

ख्वपया ख्वप अस्पताल राष्ट्रिय स्तरे स्वास्थ्य बीमा सेवा विद्गुलिं च्यागु इवल्य दः धायोदिसे वयकलं ख्वप अस्पतालया बिरामीत अप्वयो वसेलिं सामान, सेवा सुविधा व मःगु ब्यवस्था ताडः यंकय्गु खँ नं काडः दिल ।

ज्या इवः सं ख्वप अस्पताल व्यवस्थापन समितिया दुजः नपां वडा नं. ९ या वडाध्यक्ष रबिन्द्र ज्याख्व जुं ख्वप अस्पताल थःगु हे धाय्गु जनताया मतिं जःगु अस्पतालया बांलागु पक्ष खः धायो दिसे अस्पताल अजनं बांलाकय्ता ख्वपया जनप्रतिनिधि, कर्मचारी बुद्धिजीवी, स्वापु दःपुं व स्थानीय जनताया साथ व ग्वाहाली दःगु खँ ब्याक दिल ।

अथेहे ख्वप अस्पतालया इन्टरनल मेडिसिन विशेषज्ञ डा. अमर प्रजापतिं अन्तरंग विभागया वार्षिक सेवाया ल्या पिब्वयो दिलसा ख्वप अस्पतालया हाडजोनी विशेषज्ञ डा. मजेश प्रताप मल्लं ख्वप अस्पतालया सेवा प्रवाह व विरामीपिनिगु दाच्छिया ल्या पिब्वयो दिल ।

अथेहे ख्वप बहु प्राविधिक अध्ययन संस्थानया प्राचार्य नपां ख्वप अस्पतालया डा.रत्न सुन्दर लासिवा व स्टाफ नर्स रविना कवां नं न्वचु तयो दुयूगु खः ।

ज्या इवः धुकः प्रमुख प्रजापति जुं ख्वप अस्पतालया अन्तरंग सेवासं उपचार कायो च्वंपुं विरामीपिन्ता फलफुल इडः बिल ।

एभरेष्ट स्कूलया बार्षिकोत्सव

नेपाल मजदुर किसान पार्टीया नायो भाजु नपां वरिष्ठ राजनीतिज्ञ नारायणमान बिजुक्छे (रोहित) जुया मू पाहँलय् एभरेष्ट इङ्गलिस स्कूलया ४० कगु वार्षिकोत्सव समारोह व एभरेष्ट जन्मदिन कोष २०७९ पाखं मुनय् हःगु धेबां स्वनिगः पिनयया सामुदायिक ब्वनयकुथिता साफू न्याडः बियगु ज्या भ्वः पानसय् मता च्याकः फागुन १ गते उलेज्या याडः दिल ।

ज्या इवः सं मूपाहाँ बिजुक्छे जुं ब्वनामिपुं विदेशय् वानिगु अपलं खानय् दयो वगु खँ कुलदिसे थुकिया हुनि ब्वनयकुथि छ्यलः तःगु पाठ्यक्रम ई नपां मिलय मजुगु खँ काडः दिल । उकीं थजगु विदेश उन्मुख पाठ्यक्रम या खँय् बिचः याय्मः धायो दिल ।

वयकलं अन्तर्राष्ट्रिय राजनीतिक परिस्थितिं ब्वनामिपिनिगु



ब्वनयज्या व फुक्क शैक्षिक लागाय् लिचवः लाइगुलिं न्हपांगु व नेकगु विश्व युद्धं याडः नेपः दे थजगु विकासोन्मुख देशता शैक्षिक रूपे लिपा

सच्छिखत प्यंगुगु खवप पौ, बःछि पौ(पाक्षिक)

लागू खाँ कुल दिल । वयकलं शिक्षक व अभिभावकपुं नं लिपा लागू खाँ कुल दिल ।

वयकलं शिक्षकपुं व अभिभावक पिसं थः मचा खाचा पिन्ता थःगु देशय हे ज्या सांकयूताघ्वासा बियो देश व जनताया सेवा यायूगु भावनां आखः ब्वंकय् मः धायोदिल ।

ज्या इवःया विशेष पाहाँ खवप नगरपालिकाया उप प्रमुख रजनी जोशी खवपको पहिचान पाठ्यक्रमयाय् खायँ प्रदर्शनी स्थलया रीवन च्याडः उलेज्या याडः, दिसे थजगु ब्वज्यां स्थानीय पाठ्यक्रम ब्वंकयूता, ब्वनि पिन्ता ग्वाहाली जुइगु खाँ ब्याकसे स्थानीय पाठ्यक्रम ब्वनय् धुकः ब्वनामि पिन्के स्थानीय मौलिकता व विशेषताया खाँ थुइक धायो दिल ।

ज्या इवः या मेम्हा विशेष पाहाँ सयौ थुगां – राष्ट्रिय गानया च्वमि प्रदिप कुमार राई (ब्याकुल माइलां) एभरेष्ट स्कूल ब्वनामिपिनिगु भविष्य बांलाकयूता याडः च्वंगु ज्या बांला धायो दिसे अनुशासन, व्यवहारिक शिक्षा ब्वनय कुथिया विशेषता खः धायो दिल ।

प्रिन्सिपल भक्तराज भण्डारीजुं ब्वनय कुथिया बःचा हाकलं

वागीश्वरीया नेखा भवन उलेज्या

फागुन २ गते



शिक्षा विज्ञान व प्रविधि मन्त्रालय, राष्ट्रिय पुनः निर्माण प्राधिकरण केन्द्रीय आयोजना कार्यान्वयन इकाइ (शिक्षा) पाखं वागीश्वरी मा.वि नेखा न्हूगु भवन थौं उलेज्या यात ।

खवपया च्याम्हासिंग व कमल विनायकय् दयकगु वागीश्वरी मा.वि. या न्हूगु भवन वागीश्वरी कलेजया व्यवस्थापन समितिया नायो भाजु नपां खवप नगरपालिकाया प्रमुख सुनिल प्रजापतिं रिवन च्याडः सिजपौ स्वाडः उलेज्या याडः दिल ।

वयकलं वागीश्वरी मा.वि. खवपया जक मखु देशयायहे ब्वस्यलागु ब्वनय कुथि खः धायोदिसे सामुदायिक शिक्षासं ब्वनामिपिनिगु न्हपांगु ल्यइगु थाय् जुयु फःगु वागीश्वरी नर्सरी निसें स्नातकोत्तर तर्गितक ब्वंक वयो च्वंगु दः धायो दिल ।

छु नं बन्द हडताल्युं नं खवपया ब्वनय कुथित बन्द मजुइगु

म्हासिइका पिब्वयो दिसे प्रगति विवरण पिब्वयो दिल ।

शिक्षाविद नपां निवृत शिक्षक राम गोपाल कर्माचार्यया सभा नायोल्यु जूगु उगु ज्या इवःसं खवप नगरपालिका वडा नं २ या वडाध्यक्ष हरिप्रसाद वासुकला, एभरेष्ट बोर्डिड स्कूलया प्रिन्सिपल कमलादेवी अमात्य राज भण्डारी नं भःगु खः ।

ज्या इवःया मूपाहाँ नं एभरेष्ट जन्मदिन कोष २०७९ पाखं मुनय् हःगु धेबां साफू न्याडः श्री दिवाकर स्मृति माध्यमिक विद्यालय, मादी ५, श्री भीमेश्वर माध्यमिक विद्यालय वागमती, ६ व श्री जनहित आधारभूत विद्यालय सिन्धुपाल्चोकया प्रधानाध्यापक पिन्ता लः ल्हाडः दिल । अथेहे विद्यालयपाखं २०७८ या एसईई परीक्षासं ४ जिपिए कःपुं मिजंमचा पाखय् अनुप भट्टराई व मिसा मचाखय्, प्रिशा बज्राचार्यता लयता-पौ नपां नीडाद्वतका दां सिरपा लः ल्हाडः दिल ।

ज्या इवःया दशवी दशवी ब्वनामिपिनिगु प्रतिभा ब्वयगु काथं सांस्कृतिक प्रस्तुतित क्यंगु खः सा वनलिपा खवप नगरपालिका पाखं नगर दुनयया ९२ गू ब्वनयकुथिता लागू याडः ब्वंकः च्वंगु स्थानीय पाठ्यक्रम खवपको पहिचान सम्बन्धी थी थी प्रदर्शनी नं क्यंगु खः ।

खवपया शैक्षिक विशेषता कुल दिसे खवप नगरपालिका पाखं चाय्क तःगु कलेजं शैक्षिक गुणस्तर च्वजायो वांगु खाँ काडः दिल ।

वागीश्वरी भवनता अपलं छ्यलः ब्वनापिन्ता भिंगु बांलागु शिक्षा बियता शिक्षक पिन्ता घ्वासा बियो दिसे वयकलं खवप नगरपालिकां सामुदायिक ब्वनयकुथिता हृदाय तयो वयो च्वंगु खाँ नं काडः दिल ।

अथेहे वागीश्वरी मा.वि. व्यवस्थापन समितिया नायो भाजु नपां ९ नं वडाया वडाध्यक्ष रबिन्द्र ज्याख्व जुं वागीश्वरी देशया शैक्षिक लागु हछ्यायूत बांलागु ज्या याडः, वयो च्वंगु द धायोदिसे भवन दानयूता ग्वाहाली यापुं सकलसिता विद्यालय परिवारपाखं सुभाय देछसे गुगुमतिं भवन दांगु खः उगु मति पुवांकः ज्यासानयूता विद्यालय परिवार हज्यायूमः धायोदिल ।

सी. एल. पी.आई.यू या प्रमुख डिल्लीराम लुइटेल् जुं २०७२ सालया तः भ्वखाचा लिपा नेपःया सरकारं च्याद्वस्वयो अपः ब्वनयकुथिया भवनत दय्क च्वंगु खाँ ब्याक दिल ।

डि. एल. पी. आई. यूया प्रमुख रमेश मैनाली जुं न्हूगु भवन नपां लाखौं ब्वनामि पिनिगु भविष्य स्वाडः च्वंगु खाँ नपां च्वजगु व बांलापुं न्हयलुवा पिनिगु नेतृत्व हे वागीश्वरी शैक्षिक लागाय् तः लागु खः धायो दिल ।

ब्वनयकुथिया प्र.अ. कृष्णप्रसाद धन्टां भवन दांबलय्या ल्याचा पिब्वसे मथां हे उगु थासय व्यवस्थित कक्षा न्ह्याकेगु खाँ काडः दिल ।

वहे इवल्य डि.एल. पी. आई. यू या प्रमुख मैनाली जुं खवप नगरपालिकाया प्रमुख प्रजापति जू याता तँचा लः ल्हाडः ब्यूगु खः सा वहे तँचा विद्यालय व्यवस्थापन समितिया नायो भाजु रबिन्द्र ज्याख्व जू याता प्रमुख जू लः ल्हाडः ब्यूगु खः ।

खवप नगरपालिका युवा उद्यमशीलता प्रवर्द्धन ऋण परिचालन सम्बन्धय् दयकगु निर्देशिका - २०७९ सर्वसम्मतिं पारितः

फागुन २ गते

खवप नगरपालिकाया हिंस्वकगु नगरसभा मंगलवार नं न्हायत । खवप नगरपालिकाया प्रमुख हिंस्वकगु नगरसभाया नायो सुनिल प्रजापतिया नायो सुई विहिवार च्वंगु नगर सभाया बैठकं खवप नगरपालिका युवा उद्यमशील प्रवर्द्धन ऋण परिचालनया सम्बन्धय् दयकगु निर्देशिका २०७९ सर्वसम्मतिं पारित यात ।



सभासं सभायानायो प्रजापति जुं नगरलागा दुनय स्थायी बसोबास याडः च्वंपुं बेरोजगार व आर्थिकरूपं कमजोर ल्यासे ल्याम्हो पिन्ता उद्यमशील यायूता सहूलियत ब्याजदरं ऋण वियगु मतिं उगु निर्देशिका दयकगु खौं व्याकसे ल्यासे ल्याम्होपिन्ता भीगु देशय् हे बनय् ज्यायूता निर्देशिकां ग्वाहाली याइगु खौं काड दिल ।

खवप नगरपालिकां शैक्षिक ऋण लागू याडः नगरबासी ब्वनामिपिन्ता च्वयथ्यंकः उच्चशिक्षा ब्वनयूता मौका ब्यूगु अलय् वहे अनुभव काथं अः ल्यासे ल्याम्हो पिन्ता स्वयो थ्व निर्देशिका

दयकगु खौं वयकलं काडः दिल ।

नगरसभां पारित यागु उच्च निर्देशिकासं खवप नगरपालिका दुनय स्थायी बसोबास याडः च्वंपुं हिंखुदा निसं पीडादातकया गरिब व विपन्न उद्यमशील ल्यासे ल्याम्होपिन्ता खवप नगरपालिकां डागू लाख तकातक ऋण त्याय् बियगु ब्यवस्था दःगु व ऋणया वार्षिक ब्याजदर ६ प्रतिशत तःगु दः सा उगु ऋण छगू परिवारया छम्हासिता जक बिय फैगु अलय् स्वीकृत यागु त्यासा दां फुक्क छकलं वा किस्ता किस्तां वियगु खौं नं निर्देशिकाखय् च्वयो तःगु दः ।

थौया विशेष समयखय् इन्द्र बहादुर प्याथ, नारायण प्रसाद त्वानावासु, हेरा ब्याजु, जितेन्द्र मुनकःमि, कृष्ण नारायण दुमर, श्याम सुन्दर मातां, सूर्यप्रसाद श्रेष्ठ, सिद्धिराम अवाल, गोविन्द दुवालं खवप नगरया स्वास्थ्य, विकास निर्माण, त्वनयगु नाः, पार्किङ व्यवस्थापन, व्यवस्थित आवास योजना सञ्चालनया खायँ थःथः गु बिचः तयो द्यूगु खः ।

सभासं न्यंगु न्ह्यसः या लिसः बियो दिसे स्थानीय पाठ्यक्रम निर्माण कार्यदलया कजि योगेन्द्रमान बिजुकुँ जुं ब्वनयकुथिसं ब्वंकः वयो च्वंगु स्थानीय पाठ्यक्रमं लाकगु लिचवः या खायँ थःगु बिचः तयो दिल ।

सभासं नगरप्रमुख प्रजापतिया अनुमतिं विधायन समितिया कजि हरिराम सुवालं खवप नगरपालिका, बहुउद्देश्यीय व्यवसायिक भवन निर्माण व सञ्चालन सम्बन्धी कार्यविधि २०७९ या विषय छलफलया लागि सभाखय् पिब्वयो दिल ।

नगरसभाया मेगु बैठक फागुन ४ गते विहिवार न्हिनय् सिया १:०० ता इलय् च्वनयगुयाडः थौया बैठक क्वचगु बचं बियो दिल ।

कासामिपिन्ता भिन्तुना

फागुन ३ गते

खवप नगरपालिकाया प्रमुख सुनिल प्रजापति जुं भक्तपुर जिल्ला बक्सिङ संघया कासामिपिन्ता भिन्तुना नपां लस हान ।



अन्तर नगर पुरुष खो खो धिं धिं बल्लाया खायँ प्रेस विज्ञति

पत्रकार पासापुं,

ख्वप नगरपालिकां शिक्षा, स्वास्थ्य, सम्पदा ल्यंकः
म्वकः तय्गु नपां नपां कासाया लागाय् नं ब्वस्यलागू काथं
हज्याड च्वंगु दः । ब्वनयकुथिया ब्वनामिपुं व ल्यासे ल्याम्हो
पिन्ता शारीरिक रूपं स्वस्थ व तन्दुरुष्ट याडः तय्ता छगू नं
छगू कासाय् दुथ्याकः तय्मः धाय्गु मान्यता काथं ख्वप
नगरपालिकां भलिबल, फुटबल, टेबुल टेनिस, बक्सिड,
कराँते, जिम्नास्टिक नपां खुगू कासाया मदिकक प्रशिक्षण
ब्यु ब्युं वयो च्वंगु दः ।

ब्वनय कुथि कासा नं हज्याकय्गु मतिं वांगु स्वदा
हाँनिसें पूर्णकालीन प्रशिक्षकपुं व्यवस्थायाडः कासा स्यनय्गु
ज्या मदिसें याडः कराँतेया प्रशिक्षार्थीपिता आत्मरक्षा,
प्रशिक्षकया प्रशिक्षण तालिम न्ह्याक ब्वनय कुथिया
मिसामस्तय्ता प्रशिक्षण ब्यु ब्युं वयो च्वंगु दः । २०७९
कार्तिक १ गते निसें ६ गते तकखय् नगर दुनय्या ४३ गू
ब्वनयकुथिया शिक्षकपिन्ता च्यान्हू तक प्रशिक्षक प्रशिक्षण
तालिम न्ह्याक पाठ्यपुस्तकय् दःगु आधारभूत सीपया विषय
तालिम न्ह्याकगु खः ।

नेपाल मजदुर किसान पार्टीया स्थानीय तहया चुनावय्
प्रतिबद्धता याः काथं अन्तर नगर कासाया धिंधिं बल्ला नं
छगू खः ।

ख्वप नगरपालिकां दायँ दायँ पतिकं अन्तर नगर
धिंधिंबल्ला याडः वयो च्वंगु खाँ नं छिकपिसं स्यू हे जुई ।
न्हपांगु दायँ भलिबल नेगूगुदाँ कराँटे, स्वंगूगु दायँ एथ्लेटिक्स
व प्यंगूगु दायँ चेसया धिं धिं बल्ला स्यल्लाक हे क्वचगु
जुल । २०७९ फागुन ५ गते निसें ९ गते तक सहिद दिवसया
लसताय अन्तरनगर खो खो या धिंधिंबल्ला याय्गु प्रमुख
सुनिल प्रजापतिया बचं काथं वयकया कजिलय १३५ म्हा
दुजः दःगु मूल समिति व ११ गू उप समितित निः स्वानय्
धुंगु दः । दायँ दायँ पतिकंया धिं- धिं बल्ला कासां जिमिता
मन च्वजाय्क उत्साह ब्युगु दः । जिमिगु छगू छगू प्रतिबद्धता

स्यल्लाक पू वांकः वयो च्वडागु दः ।

थुगुसीया अन्तर विद्यालय धिंधिंबल्ला कासाय् ७९
गू ब्वनयकुथिं ब्वतिकःगुलि ४१ गू ब्वनयकुथिं खोखोकासा व
५१ गू ब्वनयकुथिं कसिमला पायँखय् ब्वति कःगु खः । १४
गू कासा मध्ये खो खो व कसिमला पायँ खय् हे अपलं
कासामिपुं उत्साहित खानय् दः सा अः वैगु कासाया धिं धिं
बल्लाखय् अजनं अपः ब्वनामि व ब्वनयकुथिं ब्वति काइगु
आशा याय् ।

नेपाल खोखो संघ, भक्तपुर जिल्ला खो खो संघ
पाखं मान्यता दःगु खोखोया धिंधिंबल्ला थौं तकखय् थीथी
१४ गू पुचः नगरपालिका पाखं ब्वतिकाय्ता नां च्वकय्
धुंकगु दः । अन्तर नगर खो खो या धिं धिं बल्ला नेपःयाय्
हे न्हपांगु धिं धिं बल्ला काथं ख्वप नगरपालिकां ग्वसः ग्वयो
न्ह्याकय् तांगु दः । खो खोया धिं धिं बल्लाखय् श्वनं हाँ
नगद पुरस्कारया ब्यवस्था गुब्लें हे यागु मरु । ख्वप
नगरपालिकां न्हाप लागु टिमता १ लाख व डय्द ल्यू
लापिन्ता १ लाख व ल्यू या ल्यू लापिन्ता डय्दतका दां नगद
पुरस्कारया ब्यवस्था यागु दः । नपां ब्वति कःगु फुक्क
नगरपालिकाया पुचः ता डाद्वतका नगद पुरस्कारया ब्यवस्था
यागु दः ।

दकलय् लिपा, फागुन ५ गते निसें ९ गते तक जुइगु
खोखोया धिंधिं बल्लाया उलेज्याया ज्याली ख्वप नगरपालिका
वडा ९ दतात्रय सुथाय्सिया १०:०० ता इलय न्ह्याक :
इनाचो, सुकुलढोका, तः माही, नासमना, भार्वाचो, दूधपाटी
(इनागः) जु जुं नगरया मूमू बजार चाहिल सहिद स्मृति
खेल मैदानय् थ्यंकः उलेज्या जुई । थुगु कासाया खायँ
थःथःगु सञ्चार माध्यमं प्रचारप्रसार याडः ग्वाहाली याडः
दियता सकल सञ्चारकःमि पासा पिन्ता दुनुगलं निसें इनाप
याय् ।

ख्वप नगरपालिका
२०७९ फागुन ३ बुधवार

साम्राज्यवादी पिसं युक्तेनता युद्धया मूथाय यायूता तांगु दः

फागुन ३ गते

नेपाल मजदुर किसान पार्टीया नायो भाजु नपां वरिष्ठ राजनीतिज्ञ नारायणमान बिजुक्छेँ (रोहित) जुं ख्वप मा.वि. या २३ कगू, ख्वप कलेजया २१ कगू, शारदा क्याम्पसमा ३२ कगू, ख्वप कलेज अफ लया पलिस्था दिं, न्ह्याकगुया लसताय शैक्षिक ब्वज्या नपां सिरपा लः ल्हाय्गु ज्या पानसय् मता च्याकः उलेज्या याडः दिल ।



नायो भाजु बिजुक्छेँ जुं रुसं युक्तेनय् आक्रमण यागु खायँ सञ्चार माध्यमं मखुगु फय्खाँ बय बय याडः च्वंगु खाँ काडः दिसे सोभियतसंघं हिंयंगू देशत क्वचा थयो वांगु इलय् नाटोया दुजः मजुयगु शर्तय् जूगु खयानं सं.रा. अमेरिका व बेलायतं ल्वाभ त ग्वहाली यागुलिं थव युद्ध रोकय् मजुइगु खाँ ब्याकः दिल । वयकलं युक्तेन युद्ध रुसय् जक मखु युरेसिया क्षेत्रय् डाडः वांगु छुं ई लिपा रुसया मू मू लागाय् व चीनयूतक नं आक्रमण जुयफःगु सम्भावना प्वंकः दिल । वयकलं साम्राज्यवादीतयसं युक्तेनता युद्धया मूथाय यायू तांगु खाँ नं काडः दिल ।

भींगु देश भारत, अमेरिका व बेलायतया अर्धउपनिवेश काथं वाडः च्वंगु खाँ ब्याकसे मू पाहाँ बिजुक्छेँ जुं नेपः या शासक दलया नेतात विदेशीया लाहापातिया इसाराय् प्याखं ल्हुइपुं जुगुलिं छुं नं इलय् विदेशी ध्वार्येँ (भन्डा) नेपः या उत्तर लागाय् ब्वयके फःगु अपलं सम्भावना दः धायोदिल । वयकलं देशभक्त प्राध्यापक, बुद्धिजीवी, ब्वनामिपुं व नेपःमिपुं सकलें मिलय् जुयो विदेशीया छुं छुं हे लोभमयासिं देया सार्वभौमिकता रक्षाया निति ल्वाय्गु भावना ब्वलांकयूता बःबियमः धायो दिल ।

ज्या इवः या सभाया नायो व्यवस्थापन समितिया नायो नपां ख्वप नगरपालिकाया प्रमुख सुनिल प्रजापति जुं ख्वप नगरपालिका

चायूक तःगु नीछुदा हाँ पलिस्था यागु ख्वप कलेजय् ख्वप कलेज अफ ल नपां याडः अःच्यागू कलेजय देशां देछिया ७२ गू जिल्लाया थयं मथयं न्ह्यद्वब्वनामिपुं ब्वडः च्वंगु खाँ कुलदिसे दांकः भिंकः बांलाकः ब्वनयूता स्थानीय तह पाखं चायूकः तःगु ख्वप सर्कल ब्वस्यलागु नपां शैक्षिक गन्तब्य काथं हज्याडः च्वंगु खाँ काडः दिल ।

वयकलं शिशु स्याहार केन्द्र निसें विश्वविद्यालय तह तकया थी थी विषयत ब्वंकः वयो च्वंगु ख्वप नगरपालिका, पाखं चायूकः तःगु शैक्षिक संस्थात बन्द, हडतालं मथिइगु दायँ दायँ पतिकं स्वंगू करोडतिया छात्रवृति डागू लाख तकया शैक्षिक ऋणया व्यवस्था, नेपालभाषा, संस्कृति, इतिहास, भूगोल व राजनीति शास्त्रखय् पिएचडी तकया छात्रवृति ब्यू ब्यू वयो च्वंगु दः धायोदिसे वयकलं ब्वनामिपिसं छगू नं छगू विषय विशेषज्ञता कायो इमानदार व कर्तव्यनिष्ठ जुयो देश व जनताया सेवा याय्गु भावनां ज्या यायू मःगु खाँ कुल दिसे ख्वप नगरपालिकां शिक्षा, स्वास्थ्य, सम्पदा ल्यंकः म्वाकः तय्गु नपां कासाया लागाय् नं ख्वपया थःगु पहःया म्हासिइका पिब्वयता दायँ दायँ पतिकं ब्वनयूकुथि ब्यागु कासाया धिं धिं बल्लाया ग्वसः ग्वयागु नपां सहिद दिवसया लसताय् अन्तर नगर कासाया धिं धिं बल्लायाय् ताडागु खाँ ब्याक दिल । वयकलं थुगुसी फागुन ५ गते निसें ९ गते तक अन्तर नगर पुरुष खो खो धिं धिं बला कासा न्ह्याकय् ताडागु खाँ ब्याकसे ब्वनामिपिसं सकय् जुयो ब्वति कायूता इनाप याडः दिल ।

ज्या इवःया विशेष पाहाँ वागमती प्रदेशया सभासद सुरेन्द्रराज गोसाइँजुं ल्यासे ल्याम्हो पुं विदेशय वानयगु भन अप्वयो च्वंगु, थुगुसी १० लाख थ्यनिगु खाँ खं थुगु विषय तस्कं बिचः यायूमः धायोदिल । वयकलं देशय् बुँया उत्पादन म्हवँ जुयो वांगुया हुनि जनशक्ति विदेश पलायन जूगुलिं खः धायोदिसे शासक दल थुकिया जिम्मेवार खः धायोदिल । ल्यासे ल्याम्होया जनशक्ति विदेशय् वाडः भौतिक रुपं धन कमेयाडः हःसां बौद्धिक धन म्हवँ जूइगुलिं न्हंगुपुस्ता सचेत जुयमः धायो दिल ।

वयकलं विदेशीया ग्वहाली मकः सिनं विकास निर्माणया ज्या यायू फः धाय्गु दसु ख्वप दे खः अलय् ख्वप नगरपालिकां शिक्षा, स्वास्थ्य व सम्पदा ल्यंकः म्वाकः तय्गुलि याडः च्वंगु ज्याखं सियदः धायो दिल । नेपःया प्रजातान्त्रिक अभ्यास पक्ष व विपक्ष नपांया वेस्ट मिनिस्टर मोडेलं प्याहाँ वांगु नपां तःतः हांगु शासक दल यायूपुं सत्ता मोहलय लाडः प्रतिपक्ष मच्वसेँ मंकः गठबन्धनय् चुनाव ल्वाडः प्रधानमन्त्रीया समर्थन यागु राजनीतिया नामय लुट

सच्छिखत प्यंगुगु खवप पौ, बःछि पौ(पाक्षिक)

खः ठगी खः वयकलं धायो दिल ।

खवप नगरपालिकाया उप-प्रमुख नपां कलेज तयगु सञ्चालक समितिया न्वकु रजनी जोशी खवप नगरपालिकां नगरता सभ्य सुसंस्कृत व शैक्षिक गन्तव्य नपां सम्पदा व सस्कृति व ज्ञान विज्ञानया केन्द्र काथं पलिस्था यायता तातुना ज्वडः हज्याडः च्वंगु खॉ ब्याकः दिल ।

वयकलं शिक्षाता श्रम नपां स्वाडः यंकयगु मतिं नगर दुनय्या ९२ गु तं ब्वनय कुथि स्थानीय मौलिक पहिचान पिब्वइगु सामग्रीत दय्केगु सीप विकास याकेगु कुतः यागु खः धायो दिल ।

ज्या इवः या पाहाँ नपां राष्ट्रिय परीक्षा बोर्डया नायो प्रा.डा. महाश्रम शर्मा जुं खवप नगरपालिका पाखं न्याक च्वंगु खवप मा. वि. व मेगु कलेजत सामुदायिक स्तरे चाय्कः तःगु देशां देखिया उदाहरणीय संस्था जुगु खॉ ब्याकसे थुकिता अज च्वजायक ज्याखय छयलयता ब्वनामिपिसं सय्कगु शिक्षाता व्यवहारिक रूपय छयलः थःगु ब्यवहार बांलाक यंकय मःगु शिक्षाता अनुसन्धान लक्षित याय्मःगु नपां शिक्षक पिन्ता तालिम ब्यू ब्यू सीपं जाय्केता बः बियोदिल ।

ज्या इवः या पाहाँ नपां विश्वविद्यालय अनुदान आयोगया नायो देवराज अधिकारी सामुदायिक लागाय खवप कलेजे याडः च्वंगु ज्या तस्कं च्वछाय बहजु धायो दिसे ब्वनामि, शिक्षक व अभिभावक पिनिगु मंकः कुतलं कलेजता च्वजायकेता ग्वाहाली जुइ धायो दिल । वयकलं खवप कलेजं सर्वसुलभ व भिंगु बांलागू कलेज काथं म्हासिका पिब्वयो वगु खॉ कुल दिसे थूकिता गुणस्तर

परीक्षण पुष्टियाय् फःसा अजनं स्यल्लाइगु अलय् विश्व विद्यालय अनुसन्धान आयोगं अनुसन्धानया लागिं मः काथं याय्गु खॉ ब्याक दिल ।

ज्या इवः सं खवप नगरपालिकाया प्रमुख प्रशासकीय अधिकृत कृष्ण गिरी जुं नेपः या शिक्षा प्रणालीसं छुं भाति त्रुति दः गु खॉ ब्याकसे दायँ दायँ पतिकं विदेशय् वानिपुं अप्वयो च्वंगुलिं चिन्ता प्वंकः दिल । वयकलं खवप नगरपालिकां शिक्षाखय् यागु लगानी खवप देता ज्ञान-विज्ञानया केन्द्र दय्केता ग्वाहाली जूगु खॉ ब्याक दिल ।

ज्या इवः सं खवपया प्रमुख जिल्ला अधिकारी खगेन्द्र प्रसाद रिजालं खवप नगरपालिकापाखं चाय्कः तःगु कलेजत देशां देखिया मेमेगु स्थानीय तहया लागिं ब्वस्यलागु खॉ ब्याकसे खवप देता ज्ञान विज्ञानया केन्द्र दय्केता जनप्रतिनिधिपुं, कर्मचारी व जनताया मंकः कुतः च्वछाय बहजु धायोदिल ।

अथेहे खवप इञ्जिनियरिड कलेजया प्राचार्य सुजन माक, खवप कलेज व शारदा कलेजया प्राचार्य रूपक जोशी, खवप मा.वि. व शारदा मा. वि. या प्राचार्य प्रकाश कुमार श्रेष्ठ व शिक्षक कमिनिका न्याईच्याई नं न्वचु तयो द्यगु खः ।

सांस्कृतिक ज्या इवः नं जुगु उगु ज्या इवः सं मू पाहाँ बिजुक्छें हिंदा तक मदिक्क सेवा याय् धुपुं हिम्हा शिक्षक, कर्मचारी पिन्ता लयता पौ लः ल्हाडः ब्यूगु खः! अथेहे वार्षिक परीक्षा खय् च्वजायकेता तःला पूं ब्वनामिपुं, अन्तर विद्यालय वास्केट बलय् तः लापुं ब्वनामि पिन्ता सिरपा, मेडल व दसिपौ ब्यूगु खः सा शैक्षिक ब्वज्या फागुन ३, ४ व ५ गते जुई ।



अन्तर नगर खोखो कासा धिंधिबल्लाया पत्रकार नपालायगु ज्या इवः

फागुन ४ गते

ख्वप नगरपालिकाया गवसालय न्हि ल्या २०७९ फागुन ५ गते निसैं ९ गते तक जुइगु अन्तरनगर पुरुष खो खो धिंधिबल्लाया खायँ बुद्धवार पत्रकारत मुंकल ।



ज्या इवः सं ख्वप नगरपालिकाया प्रमुख सुनिल प्रजापति जुं ब्वनामिपिन्ता कासाया धिंधिबल्ला पाखं सक्रिययायगु मति काथं नगरपालिकां कासातानं हृदाय तयो थी थी विधासं ब्वनयकुथि ब्यागु कासाया धिंधि बल्ला गवस गवयो वगु दः धायोदिल ।

ख्वपया पुलांगु लागता सांस्कृतिक लाग्ता क्वः छिडः भीगु थःगु हे पहलं दांपुं नगरबासीपिन्ता आर्थिक अनुदान ब्यू ब्यू वयो च्वडागु खाँ ब्याकसे वयकलं ख्वप देता म्वाडः च्वंगु दे दय्केगु ज्या

स्वन्हूया शैक्षिक ब्वज्या क्वचाल

फागुन ५ गते

नेपाल मजदुर किसान पार्टीया छ्याञ्जे नपां संघीय सांसद प्रेम सुवालया मू पार्हालय ख्वप मा.वि.या २३ कगु, ख्वप कलेजया २१



इवः ज्वडः नगरपालिका हज्याडः च्वंगु दः धायो दिल ।

ख्वप नगरपालिकाया गवसालय जुइगु पुरुष खोखो धिंधिबल्ला तःलाक क्वचाय्केता सञ्चार माध्यमं खःगु बांलागु प्रचारप्रसारयाइगु विश्वास प्वंकः दिसे वयकलं ख्वप नगरपालिकां याडः च्वंगु शिक्षा, स्वास्थ्य सुचुकुचु ज्याया बारे बांलागु प्रचार देशं दुनयजक मखु, देशं पिनय् थ्यंकः जुयो च्वंगु खाँ ब्याक दिल ।

उगु धिंधि बल्लासं अपलं पुचः त दुथ्याकय्ता नगरपालिकां यक्व हे प्रचार प्रसारय् बः बियो वयो च्वंगु खाँ ब्याकसे वयकलं ख्वप देशय् आन्तरिक पर्यटकत अप्वयकेगु कुतः जुयो च्वंगु खाँ नं काडः दिल ।

ख्वप नगरपालिका वडा १ या वडाध्यक्ष नपां युवा तथा खेलकुद समितिया कजि श्यामकृष्ण खत्री जुं अन्तरनगर पुरुष खोखोया धिंधिबल्लाया प्रेस- विज्ञापित ब्वडः दिसे नगरपालिकां धिंधिबल्लाखय् न्हाप लापिन्ता एक लाख व ड्यद्वतका दां, ल्यूता एकलाख व ल्यू यां ल्यू ता ड्यद्वतका दां नगद पुरस्कार नपां ब्वतिकपुं पुक्क नगरपालिकाता डाद्व तका दां या व्यवस्था याइगु नं खाँ ब्याक दिल ।

ज्या इवःसं ख्वप नगरपालिकाया प्रशासकीय अधिकृत कृष्ण गिरी जुं सुभायु देछायो द्यूगु खः सा युवा तथा खेलकुद समितिया दुजः रामसुन्दर बासीं नं न्वचु तयो द्यूगु खः ।

ज्या इवः सं थी थी सञ्चार माध्यमं भायो द्यूपुं पत्रकार पिसं धिंधि बल्ला ज्या इवः या बारे न्यडः द्यूगु खः ।

कगु, शारदा क्याम्पसमा ३२ कगु व ख्वप कलेज अफ लः या पलिस्था नपां न्ह्याकगु लसताय शैक्षिक ब्वज्या नपां सिरपा लः ल्हायगु ज्या क्वचाल ।

सांसद सुवालं ख्वप नगरपालिका पाखं चाय्कः तःगु कलेज व शैक्षिक संस्थान पलिस्था यागुया मूहुनि ज्या साडः नैपुं वर्गया मस्तयता उच्चशिक्षा विद्यगु खः नपां थीथी जिल्लाया ब्वनामिपुं इन्जिनियर व थी थी विषयया दक्ष जनशक्ति दय्कः ब्वलकय्गु काथं देशां देछिया जिल्लाया जनताया सेवा याडः च्वंगु खाँ काडः दिल ।

वयकलं ख्वप विश्व विद्यालय चाय्केता अपलं कुतः याडां नं स्वीकृत मब्यूगुलि सरकारय् वांगु दल त दोषी खः धायोदिसे विश्व-विद्यालय निः स्वानय मधुंतलय मदिक कुतः याडः च्वनय्गु खाँ नं ब्याक दिल । नपां संसदय् बच्छी स्वयो अपः सांसदत उपस्थित मजुगुलिं नेपः या सांसदत जनताप्रति उत्तरदायी मजुगु खाँ

सच्चिद्वत् प्यंगुगु स्वप पौ, बःछि पौ(पाक्षिक)

सियदः धायोदिसे वयकलं ठेकेदार, मूर्ति तस्कर (द्ययो खुयो मिडपुं) शैक्षिक, माफिया, निजी कलेज व कम्पनि चायूकः, शेर कारोबार याइपुं मनूत चुनावय त्याकः वगुलिं हे खः धायोदिल । वयकलं देशभक्त, प्राध्यापक बुद्धिजीवी, ब्वनामिपुं व सकल नेपः मिपुं मिलय जुयो भारतीय विस्तारबाद, एमसीसी, एसपीपी, थजगु असमान सन्धी सम्भौताया मदिकक विरोध यायां न्हंगु पुस्ताता थुकिया खाँ काडः सचेत याय मः धायोदिल ।

ज्या इवः सं ख्वप सर्कलया व्यवस्थापन समितिया नायो-भाजु नपां ख्वप नगरपालिका प्रमुख सुनिल प्रजापति जुं ख्वप दे कला-संस्कृति व सम्पदां जःगु दे खः उकि थानाया छम्हा छम्हा नगरबासी कलाकार खः नपां छ्छा छँ बराबर छगु सांस्कृतिक सम्पदा दःगु खाँ ब्याकसे ख्वप नगरपालिकां चायूकः तःगु कलेजय ब्वनिपुं ब्वनामिछगू नं छगू सीपंजःपुं जुयमः धायो दिल । वयकलं जनताया साहित्य धायुगु प्रगतिशील व क्रान्तिकारी साहित्य खः धायो दिसे शोषणया विरुद्धय ल्वायता थजगु साहित्यं ध्वासा बिडगुलिं साहित्यया ह्युपा ह्युगु ज्या भः काथं छ्यलय् मःगु नपां न्हंगु पुस्ता साहित्यया लिधंसाय देश व जनताया पक्ष ल्वायमः धायो दिल ।

वयकलं ख्वप नगरपालिका ख्वप देता शिक्षा, स्वास्थ्य व सम्पदा ल्यंकः म्वाकः तयगु नपां कासाया लिधंसां नं म्हासिडका पिब्वयता फागुन ५ गते निसैं ९ गते तक अन्तर नगर पुरुष खोखो कासाया धिं धिं बल्ला यायगु ग्वसः दःगु खाँ ब्याकसे कासाया ज्या

इवः न्हयःब्वयगुया मु तातुना धायगु जनताता सकृय यायगु व नगरता म्वाकः (जीवन्त) तयगु कुतः खः धायोदिसे नगरपालिकाया ग्वसालय लिपा जुइगु सांस्कृतिक ब्वज्याया धिं धिं बल्ला खय् नं ब्वनामिपिसं ब्वति काय्ता इनाप याडः दिल ।

ज्या इवः सं विशेष अतिथि वागमती प्रदेशया सांसद सृजना सैजुं च्यागू शैक्षिक संस्थात चायूकःच्वंगु ख्वप नगरपालिका देया छगु जक स्थानीय तह खः धायो दिसे शैक्षिक लागाय वांगु नेगू दशकय् ख्वप सर्कलं बांलाकः मू पुलय फःगु खाँ ब्याक दिल । वयकलं मिसामस्त आखः ब्वनयगु नपां नपां अतिरिक्त ज्या इवः सं हज्याय फःगु बांलागु खाँखः धायोदिसे वैगु दिनय देश व जनताया सेवा याय्ता मिसामस्त नं राजनैतिक चेतनां ग्वाकः हज्यायमः धायोदिल ।

वयकलं ख्वप कलेजं पिब्वगू शैक्षिक ब्वज्यासं ख्वपया व थिडक्या जिल्लाया ६२ गू ब्वनयकुथिया थयं मथयं च्याट्ट स्वयो अपः ब्वनामिपिसं स्वयो सयकगुलि लयता प्वंकसे थ्व तस्कं तः लागु काथं काय्फः धायदिल ।

क्वचायकेगु ज्या इवःसं ब्वनामिपिन्ता २८ गू धिं धिं बल्लाया साँस्कृतिक ब्वज्यात तयो तःगु खःसा मूपाहाँ सुवाल जु व पाहाँ पिसं किपा च्वज्या, चिनाखँ व वक्तृत्व (न्वचु कला) व दौड, (ब्वाक वानयगु कासा) भलिबल, फुटसल, ख्यँ बल, चिस नपांया आन्तरिक कलाया धिं धिं बल्लासं तःलापुं कासामिपिन्ता मेडल व दसिपौ लःल्हाडः बिल ।

अमर सहिद पिनिगु लुमन्ति अन्तर नगर खोखो कासा

फागुन ५ गते

२०४६ सालया जन-आन्दोलनया अमर सहिदपिनिगु लुमन्तिसं ख्वप नगरपालिकां अन्तर नगर मिजंतयगु खो खो या धिं धिं बल्ला ग्वसः ग्वगु ज्या इवः उलेज्या नेपाल मजदुर किसान पार्टीया नायो भाजु नपां वरिष्ठ राजनीतिज्ञ नारायणमान बिजुक्छें (रोहित) जुं पानसय् मताच्याकः याडः दिल ।



ख्वपया सहिद स्मृति कासा ख्यलय जूगु उगु कासाया उलेज्या सं मू पाहाँ बिजुक्छें जुं कासा स्वास्थ्य व मित्रताया लागि म्ह्यतयमगु खाँ काड दिसे कासामिपिसं कासा धिं धिं बल्लाया मतिं ब्वति काइगुलिं कासामिपुं स्वस्थ व फूर्ति दःपुं जुयम धायोदिल ।

वयकलं कासाखय् त्या बु जुइगु स्वाभाविक खः धायो दिसे अनुशासित जुयो म्हेतय्ता कासामिपिन्ता ध्वासा बिसे थ वं थवय् ग्वाहालिमिपुं काथं व पासा पासाया व्यवहारं कासा प्रबर्द्धनय् ब्वतिकाय्ता ग्वाकः दिल । नायोभाजु बिजुक्छें जुं खोखोकासा प्रबर्द्धनय् ख्वप नगरपालिकां ग्वसः ग्वगु अन्तर नगर खो खो धिं धिं बल्ला कासां बांलागु लिच्वः लाइगु खाँ ब्याकसे कासामिपिन्ता थःथःगु कौशल पिब्वयगु मौका दःगु खाँ नं काड दिल ।

ज्या इवः या सभानायो नपां ख्वप नगरपालिकाया प्रमुख सुनिल प्रजापति जुं प्रजातन्त्र ह्यता थःगु प्राण आहूतियापुं अमर सहिद पिनिगु लुमन्ति ख्वप नगरपालिकां दायँ दायँ पतिकं अन्तर नगर कासाया धिं धिं बल्ला याडः च्वंगु खाँ काडः दिल ।

प्रमुख प्रजापति जुं धायो दिल - 'कासामिपुं कासाखय् जक

सच्चिद्वत् प्यंगुगु स्वप पौ, बःछि पौ(पाक्षिक)

लिकुड मचवंसे देया समसामयिक राजनीतिनं थुडक देया सार्वभौमिकमता रक्षा याय्ता नुवाय् फःपुं, मालिगु इलय् ल्वाय् फपुं योद्धा काथं हज्याय् फःगु स्वयगु मति दः ।'

ख्वप नगरपालिकां ग्वसः ग्वगु खो खो कासाया धिंधिं बल्लां राष्ट्रिय व अन्तर्राष्ट्रिय खोखोया कासामिपुं ब्वलांकेय्ता ग्वाहाली जुडगु खाँ ब्याकसे वयकलं ल्यासे ल्याम्होपिसं देशया नितिं छुं याय्मः धाय्गु भावना ब्वलाकय् वियगु थुगु ज्या इवः या तातुना खः धायो दिल ।

अथेहे वागमती प्रदेशया सांसद सुरेन्द्र राज गोसाईं जुं अन्तर नगर खो खोया धिंधिं बल्ला २०४६ सालया ऐतिहासिक जन आन्दोलनय् सहिद जूपुं अमर सहिद पिन्ता समर्पित काथं यागु खाँ कुलदिसे देशय् प्रजातन्त्र हःगु ३३ वर्ष दय धुडा नं जनतां प्रजातन्त्रया धात्थेगु अनुभव याय् मखांनी धायो दिल ।

कासाया लागाय् जुयो च्वंगु पक्षपात, पाकः तैगु भेदभाव मदय्के मः गु खाँ ब्याकसे सांसद गोसाईं जुं ध्याक्वचाय तयो तःगु खो खो कासा थुकि बांलाक प्याहाँ वैगु विश्वास प्वंकः दिल ।

ख्वप नगरपालिका वडा नं १ या वडाध्यक्ष नपां युवा तथा खेलकुद समितिया कजि श्यामकृष्ण खत्री अन्तर नगर खो खो धिंधिं बल्ला कासासं १३ गू नगरपालिकां ब्वति कःगु १४ गू टीमं म्हेतिगु खाँ काडः दिल । वयकलं न्हाप लागु टिमता १ लाख व ५० टु तका

ल्यू लागु टिमता १ लाख व ल्यू यां ल्यू लागु टिमता ५० टु तकाया नगद सिरपा दःगु नपां ब्वति कःपुं फुक्क नगरपालिकाया पुचः ता ५ टु तका सिरपाया ब्यवस्था नं दःगु खाँ काडः दिल ।

ज्या इवः सं भक्तपुर जिल्लाया प्र.जि.अ. खगेन्द्र रिजाल व नेपाली खो खो संघया का. वा. अध्यक्ष प्रदिप महर्जनं ख्वप नगरपालिकां ग्वसः ग्वगु थुगु कासां राष्ट्रिय व अन्तर्राष्ट्रिय स्तरे च्वजाडगु खाँ काडः दिल ।

ज्या इवः सं ख्वप नगरपालिका प्रमुख प्रशासकीय अधिकृत कृष्ण गिरीं सुभाय देछायो द्यगु खःसा वडा नं. ९ या वडाध्यक्ष रविन्द्र ज्याख्व जुं नं न्वचु तयो द्यगु खः ।

कासाया उलेज्या जुयु हाँ ख्वप नगरपालिका वडा नं ९ दतात्रयं न्याली सहिद स्मृति कासा ख्यलय् थ्यडः सभा जुगु खः । न्याली सं ख्वप नगरपालिकाया जनप्रतिनिधि पुं, कर्मचारीपुं, स्वयमसेवक कासामिपुं नपां थी थी ब्वनयकृथिया ब्वनामिपुं वगु खः।

उलेज्या धुंक मूपाहाँ बिजुक्छुं जुं राष्ट्रिय रेफ्री साजन दुवालता कासाया सामग्री लः ल्हाडः ब्यगु खः सा कासामिपिनिपाखं राज कुस्मा, प्रशिक्षक पिनि पाखं कपिल भट्ट व ल्यज्यामि (निर्णायक) पाखं साजन दुवालं अन्तर नगर पुरुष खो खो या धिंधिंबल्ला अनुशासित काथं क्वचाय्केगु शपथ याडः दिल ।

ख्वप इञ्जिनियरिड कलेजय छात्रवृति रकम इड बिलः

फागुन ० गते

ख्वप नगरपालिकापाखं चाय्कः तःगु पूर्वाञ्चल विश्वविद्यालय पाखं सम्बन्धन कायो ख्वप इञ्जिनियरिड कलेज व त्रिभुवन विश्व विद्यालय पाखं सम्बन्धन कायो ख्वप कलेज अफ इञ्जिनियरिडय् ब्वडः च्वंपुं गरिव व जेहेन्दार ब्वनामिपिन्ता आइतवार छगू ज्या इवः याडः छात्रवृति रकम इडः बिल ।

ख्वप नगरपालिकाया प्रमुख नपां कलेज व्यवस्थापन समितिया नायो भाजु सुनिल प्रजापति जुं नेगू कलेजय् ब्वंपुं



ब्वनामिपिन्ता आइतबार ६१ लाख क्वतिया छात्रवृति इडः बिल ।

ज्या इवःसं प्रमुख प्रजापति जुं दांक, भिंकः बांलाकः शिक्षा वियगु तातुडः पलिस्था यागु कलेजं गरिव व जेहेन्दार ब्वनामिपिन्ता ब्वनयगु मौका द्यक्तेता व उत्साह तानय्ता छात्रवृति वियागु खाँ काडः दिल ।

ख्वप नगरपालिकापाखं चाय्क तःगु थी थी कलेज पाखं दाच्छिया ४ करोड तका ति या छात्रवृति ब्यू ब्यू वयो च्वंगु खाँ ब्याकसे वयकलं शैक्षिक संस्थाय् बन्द हडतालया बाँमलागु लिच्वः लाकय् मज्यगु खाँ ज्वड जिपुं हज्याडः च्वडागु दः धायो दिल ।

वयकलं ब्वनामिपिन्के इमानदारीपूर्वक देश व जनताया सेवा याय्गु भावना जाय्मः धायोदिसे नगरपालिकां मेमेगु विषय पिएचडी ब्वनिपुं ब्वनामिपिन्ता छात्रवृति बियो च्वडागु व सहूलियत दरं शैक्षिक ऋण बियो च्वडागु खाँ नं व्याकः दिल ।

प्रजातन्त्र वगु ३३ दा दयानं जनतां प्रजातन्त्रया आभास याय् मफःगु खाँ कुल दिसे प्रमुख प्रजापति जुं आर्थिक समानता नपांया प्रजातन्त्र महतलय् प्रजातन्त्र वगु आभास दैमखुनि धायो दिल ।

राजनीतिक अस्थिरता दःगु देश हज्याय् मफैगु खाँ काडः दिसे वयकलं भारतया हस्तक्षेप हे देश विकास मजगुया हुनि खः

सच्चिद्वत् प्यंगु खप पौ, बःछि पौ(पाक्षिक)

धायो दिल ।

ब्वनामिपिसं अध्ययन नपां नपां देशया राजनीति नं थुइकः च्वंसा भीसं मतितयागु काथंया ह्युपा वैगु खॉ ब्याकसे मेहनती पुं हे तः लाइगु खॉ ब्याक दिल ।

खप नगरपालिका वडा नं ९ या वडाध्यक्ष नपां कलेज सञ्चालक समितिया दुजः रबिन्द्र ज्याख्वः जुं खप नगरपालिकां अः च्यागू कलेज व खुगू शिशु स्याहार केन्द्र चाय्क च्वंगु खॉ ब्याकसे खप विश्व विद्यालय अनुमति पिडः च्वंगु खॉ ब्याकः दिल ।

खप इञ्जिनियरिड कलेजया प्राचार्य सुजन माकं कलेज पलिस्था याय्मःगु तातुना नपां निजी कलेजया स्वयो बच्छी मू लं खप इञ्जिनियरिड कलेजं दांकः भिंकः बांलाक ब्वंकः वयो च्वंगु खॉ व्याक दिल ।

खप कलेज अफ इञ्जिनियरिडया प्राचार्य सुनिल दुवालं

आधारभूत विद्यालय विश्वविद्यालयया जग



खप नगरपालिकाया प्रमुख सुनिल प्रजापतिया मू पाहाँलय खप नगरपालिका वडा नं. ५ वासिकचाया चण्डेश्वरी आधारभूत ब्वनयकुथिया ६३ कगू बार्षिकोत्सव ज्या इवः सं उलेज्या याडः दिसे आधारभूत ब्वनयकुथित उच्चशिक्षाया जग जुगुलिं नगरपालिकां नगरदुनय्या शैक्षिकगुणस्तर च्वजायेगु ज्या याड वयो च्वंगु खॉ ब्याकसे ६३ दा पुलय धुंगु चण्डेश्वरी स्कूलं अभ्र शैक्षिक प्रगति यायां यंकिगु विश्वास प्वंकः दिल ।

वयकलं शिक्षाख्य निजीकरण व व्यापारिकरणं याडः

हिंछकगू रनिड शिल्ड तेक्वान्डोसं खप नगरपालिका ल्यु

भक्तपुर जिल्ला खेलकुद समितिया ग्वसालय ११ कगू राष्ट्रपति रनिड शिल्ड तेक्वान्डो कासाया धिंधिं बल्लासं फागुन ३ गते खप नगरपालिका ल्यु लागु दः । उगु कासा खप नगरपालिकां स्वंगू पटक त्याकः ल्यु लाकगु खः । कासासं मिसा मस्तयगुलि

छात्रवृत्तिया धेबा खःगु थासय् छ्यलः हज्यायफःसा लाभान्वित नपां ब्वनामिपुं सार्थक जुइगु खॉ काडः दिसे नेगू कलेजं उत्कृष्ट ब्वनामिपुं ब्वलांकः च्वंगु खॉ काडः दिल ।

ज्या इवः सं खप इञ्जिनियरिड कलेजया उप प्राचार्य रबिन्द्र फौजुं कलेजं छात्रवृत्तिं ब्वनामिपिनिगु मनक्वसःगु व कलेजया लिच्वः सं बांलागु लिच्वः खानेदःगु खॉ ब्याक दिल ।

ज्या इवः सं खप इञ्जिनियरिड कलेजया लेखा शाखा प्रमुख काजीबहादुर पञ्च, प्रशासन प्रमुख सिद्धिराम सूवाल, खप कलेज अफ इञ्जिनियरिडया प्रशासन प्रमुख सञ्जय मानन्धरं नं न्वचु तयो द्युगु खः ।

खप नगरपालिकापाखंः चाय्क तःगु खप इञ्जिनियरिडया ब्वनामिपिन्ता ३२ लाख व गुस तका अलय खप कलेज अफ इञ्जिनियरिडया ब्वनामिपिन्ता २९ लाख व स्वी खुद्रु याड ६९ लाख तकाया छात्रवृत्ति ब्युगु खॉ कलेज स्रोतं धःगु दः ।

गरिब जनताया काय म्हायापुं ब्वनय् मफयो च्वंगु इलय शिक्षाया जग आधारभूत ब्वनयकुथिं भिंकः बांलाक ब्वंकय्मः धायो दिल ।

वडा नं ७ या वडाध्यक्ष उकेश कवां जुं मचाबलय निसें हे बांलाक ब्वनयगु बानी याक, ब्वनयमः धाय्गु भावनां क्वय् निसें हे ब्वलांकय् मः धायोदिल ।

वडा नं ५ या वडाध्यक्ष योगेन्द्रमान बिजुक्छें जुं ब्वनामिपिन्ता सिरपा बियगु धाय्गु अमिता घ्वासा बिय्गु खः धायोदिसे ब्वनामिपिन्ता न्ह्याब्लें मन च्वजाय्क तय्गु खाय् ब्वनयकुथिं बिचः याय् मः धायो दिल ।

उगु ब्वनयकुथिया प्र.अ. रीता लाखेमरं गरिब जनताया काय्म्हायापिन्ता म्हवचा शुल्कं अंग्रेजी माध्यमं बांलाक ब्वंकयगु ब्वनयकुथिया तातुना खः धायोदिसे प्रगति विवरण पिब्वयो दिल ।

विद्यालय व्यवस्थापन समितिया नायो नारायण प्रसाद त्वानाबासुया सभानायोलय् जूगु उगु ज्या इवः सं समाजसेजी हिमालय श्वर लाल मूल, ने.क्रा. शि. संघ नगरसमितिया नायो गणेशराम थुसा नं न्वचुतयो द्युगु खःसा मू पाहाँ जुं परीक्षा व अतिरिक्त क्रियाकलापय् तः ला पिन्ता सिरपा लः ल्हाडः द्युगु खः ।

प्रिया लामा ४४ के.जी. समूहसं न्हाप, मिजंमचा पाखय् सूचक श्रेष्ठ, ५१ केजी तौल समुह खय् न्हाप, सुसान कुसाथा ४५ के.जि. तौल समूह खय् ल्यु लागू खः सा टिम प्रशिक्षक बलराम न्हिसुतु खः ।

कासा स्वास्थ्य, अनुशासन, मित्रता व देशया सार्वभौमिकताया लागिं

फागुन ९ गते



नेपाल मजदुर किसान पार्टीया छ्याञ्जे नपां सङ्घीय सांसद प्रेम सुवालया मू पाहाँल्य सहिद दिवसया लसताय ख्वप नगरपालिकाया ग्वसालय फागुन ५ गते निसें ९ गते तक जुगु अन्तरनगर खो खो कासाया धिंधिबल्लाया सिरपा लः ल्हाय्गु ज्या क्वचाल ।

छ्याञ्जे भाजु प्रेम सुवालं कासा स्वास्थ्य, अनुशासन, मित्रता व सार्वभौमिकताया लागिं खः । कासा ख्यः व व्यायामशाला मःछि दःसा अस्पताल व स्वास्थ्यचौकी उलि मालिमखु धायो दिसे नेपाल मजदुर किसान पार्टी संविधानय हे कासा व हिंच्यादा दःपुं ल्यासे ल्याम्होपिन्ता सैनिक तालिम मौलिक हकया काथं व्यवस्था याकेता प्रस्ताव तःगु खाँ कुलः दिसे वयकलं संविधान सभासं अपलं सांसद त्याकः सरकारे वापुं दलतयता नेमकिपां तःगु प्रस्ताव मानय मयागुलिं नेपाली ल्यासे ल्याम्हो पिन्ता कासा व हिंच्यादा फूपिन्ता सैन्य तालिमया व्यवस्था मयात । संविधान संशोधन याडः जूसां थव नेगुं तू व्यवस्था मयासें मगा धायोदिल ।

वयकलं नेपः या भूमि कालापानी भारतीय सेनां लाक कायोतःगु ७० दा दय धुकल । भारतं ७१ गू थासय स्वयो अपः भूगु भूमि त्यल कायोतःगु दः । वांगू मंसिरया चुनावया इलय भारतं दार्चुला महाकाली खुसी १० मिटर त्यलः खुसीया ध, नेपालय स्वकः ल्वहंतं पःख दयकला । लिम्पियाधुरा नेपः या नक्सा दुनय ला अथेन

आना नेपः या प्रशासन व जनप्रतिनिधिपुं मरु । भारतया सिमाचिं थिडकः च्वंगु बर्दियाया राजापुरय नं नेपः या भूमि त्यल कःगु दः । नेपः या सीमा सुरक्षा व सार्वभौमिकता रक्षाया लागिं नेपः या कासामिपुं स्वस्थ जुयो सचेत जुयो हज्याय्मः धायोदिल ।

कासामिपुं अनुशासनय च्वड म्हिति । अलय नेपःया सिंह दरवारे थ्यंपुं दलया नेता तयके अनुशासन मरु । संसदय सरकारता विश्वासया मत ब्यपुं पार्टीत सत्तापक्ष जुई । प्रतिनिधि सभासं प्रधानमन्त्रीता विश्वासया मत मब्यपुं व वागमती प्रदेश सभासं मुख्यमन्त्रीता विश्वासया मत मब्यपुं पार्टी नेमकिपा प्रमुख

विपक्षी दल खः । अलय नेका प्रधानमन्त्री व मुख्यमन्त्रीता विश्वासया मत ब्यपुं प्रमुख विपक्षी दल नं दाबी याइपुं मही फ्वनयता कहें सुचुकगु थें याडः बलं क्वत्यलयगु ज्यायाडः च्वंगु दः । सांसदं मदयकगु कानून संसदय लागु मजुसा देशय मेगु कानून लागू याय फेमखु गुकिं देशय अराजकता जुई । वयकलं धायो दिल ।

कासाया धिंधिबल्लाखय त्या बु स्वयो पासाथें जुयो म्हतयगु तस्कं बांलाईगु खाँ कुलदिसे वयकलं अन्तरनगर पुरुष खो खो कासाया धिंधिं बल्ला ग्वसः ग्वम्हा ख्वप नगरपालिकाता सुभाय देछासे ब्वतिकःपुं फुकक नगरपालिका, उपमहानगरपालिका व महानगरपालिकता लस हाडः दिल ।

ज्या इवःया सभाया नायो नपां ख्वप नगरपालिकाया प्रमुख सुनिल प्रजापति जुं प्रजातन्त्र हकनं पलिस्थायायता थःगु प्राण आहुति यापुं सहिद पिनिगु लुमन्तिसं दायें दायें पतिकं फागुन महिनाय अन्तर नगर कासाया धिंधि बल्ला याडःवयागु खाँ काडः दिल ।

वयकलं ख्वप नगरपालिकां ग्वसः ग्वगु खो खो कासाया धिंधि-बल्लां राष्ट्रिय व अन्तरराष्ट्रिय खोखो कासामिपुं ब्वलांकयता ग्वाहाली जुइगु खाँ ल्यासे ल्याम्होपुं देया सार्वभौमिकता ल्यकः तयता न्ह्याब्लें तयार जुयो च्वनय मः धायोदिल ।

वागमती प्रदेशया सांसद सृजना सैजुं अन्तरनगर खोखो कासाया धिंधिबल्ला २०४६ सालया ऐतिहासिक जन आन्दोलनय थःगु जीवन पाडः वापुं सहिद पिनिगु लुमन्ति जुगु खाँ ब्याकसे देशय

सच्छिखत प्यंगूगु खवप पौ, बःछि पौ(पाक्षिक)

व्यवस्था हिलय धुंसां गरिव जनताया जीवनय् छतिं हे ह्यूपा मवगु खाँ कुल दिल । वयकलं शासक वर्गया नेतात भुप्रोचां महलय् थ्यन अलय देया ल्यासे ल्याम्हो पिन्ता थःगु देशय् हे ज्या बियमफःगु लिं दार्यँ लाखौं ल्यासे ल्याम्हो विदेशय् वानयमःगु खाँ काडः दिसे गरिव जनताया जीवनय् ह्यूपा ह्युता समाजवादी व्यवस्था महसँ मगा धायो दिल ।

उपप्रमुख रजनी जोशीं खवप नगरपालिकां शिक्षा, स्वास्थ्य, सम्पदा ल्यंकः म्वाकः तयगु नपां कासाया लागता नं हृदायतयो वयो च्वंगु खाँ ब्याकसे देया सार्वभौमिकता, अनुशासन व मित्रताया लागिं खवप नगरपालिकां दार्यँ दार्यँ पतिकं ब्वनय्कुथि ब्यागु व अन्तर नगर कासाया धिंधिं बल्ला याडः देया लागिं मःपुं बांलापु कासामिपुं ब्वलांक वगु खाँ काडः दिल ।

केपु नगरपालिकाया उपप्रमुख सुनिता शाक्य जुं खवप नगरपालिकां कासाया लागिं याड च्वंगु ज्या च्वछायु बहजु धायोदिसे म्हवचा स्रोत व साधन जक दःसां म्हेतकय् फैगु खोखो कासाया धिंधिं बल्ला ग्वसः ग्वयो राष्ट्रिय व अन्तर्राष्ट्रिय स्तरे थुगु कासाया महन्व दैगु खाँ ब्याक दिल । वयकलं मथां हे केपु नगरपालिकां अन्तर नगर उपमेयर कप भलिबल कासाया धिधि बल्ला ग्वसः ग्वय ताडागु खाँ ब्याकः दिल ।

खवप नगरपालिका वडा नं १ या वडाध्यक्ष नपां युवा तथा खेलकुद समितिया कजि श्यामकृष्ण खत्री जुं स्थानीय तहया निर्वाचनया घोषणा काथं अन्तरनगर पुरुष खोखो कासाया धिंधिं

बल्ला ग्वसः ग्वयागुलि हिंस्वंगु नगरपालिकाया पुचः पाखं हिंयंगु पुचःलं ब्वतिकायो म्हेतिगु खाँ ब्याकः दिल ।

ज्या इवःसं खवप नगरपालिकाया प्रमुख प्रशासकीय अधिकृत कृष्ण गिरीजुं सुभाय देछायो दिलसा खेलकुद समितिया दुजः रामसुन्दर बासीं नं न्वचु तयो द्यगु खः ।



ज्या इवः सं मू पाहाँ सुवालं कासाया धिंधिं बल्लासं न्हापलागु ठाकुरबाबा नगरपालिकाता टुफी व १ लाख व ड्यद्वतका दां, ल्यू लाम्हा कीर्तिपुर नगरपालिकाता टुफी नपां १ लाख तका दां व ल्यूया ल्यू लागू धनगढी उप महानगरपालिकाता टुफी व ड्यद्वतका दां सिरपानपां कासामिपिन्ता पदक बियोद्यगु खः । ज्या इवः या सभाया नायो प्रमुख प्रजापति जुं कासा खय् ब्वतिकःपुं नगरपालिकाता मतिनाया चिं नपां नगद ड्हाड तका दां सिरपा काथं लःल्हाडः दिल ।

जर्मन – दक्षिण एशियाली संसदीय पुचःता लसकुस

फागुन ९ गते

खवप नगरपालिकाया प्रमुख सुनिल प्रजापति जुं नेपः या भ्रमणय् भ्रःपुं जर्मन-दक्षिण एशियाली संसदीय पुचः या दुजः पिन्ता मङ्गलवार खवप नगरपालिकाय लसकुस याडः दिल । खवपया लायकुली चाह्यू भ्रःपुं उगु पुचः ता नगर प्रमुख प्रजापति जुं तक्वा तपुली पुड्कः लसकुल याडः द्यगु खः । उब्लेहे प्रमुख प्रजापति जुं नेपः यालागिं जर्मन सरकारं न्हापा यागु ग्वाहालिता सुभाय देछासे नेगू देदथ्वीया स्वापु वैगु दिनय् अझ क्वातुडुगु विश्वास प्वंकः दिल ।

खवप देशय जर्मन प्रोजेक्टं खवपया सम्पदा ल्यंकः म्वाक तयगुलि व सुचुकुचुखय सुधार याय्ता छुं भाति ग्वाहाली जुगु खाँ ब्याकसे वयकलं धायो दिल – 'जर्मनपिन्ता खवपया जनतां लुमांकःतःगु दः ।'

खवप देया थः गुहे मौलिक कला, सस्कृति व सम्पदा ल्यंक म्वाकः तयगुलिता हृदाय तयो नगरपालिकां ज्या याडः वयौं च्वंगु खाँ कुल दिसे प्रमुख प्रजापति जु ल्यासे ल्याम्हो पिन्ता राजनैतिक रुप ग्वाकय्गु ज्या न्हायाक च्वडागु खाँ नं काडः दिल । खवप दे चाह्यूवैपुं पर्यटकपिनिपाखं द्रहँवगु पर्यटन शुल्कं खवप देया सम्पदा ल्यंक म्वाकः तयगु, सचुकुचु, शिक्षा, स्वास्थ्य थजगु थी थी लागाय् खर्चयाडः वयागु खाँ ब्याकसे वयकलं खवप नगरपालिकां थः कय् दःगु अधिकार छ्यलः ऐन कानुन दय्क छ्लय्गुलि बःयाडः च्वंगु खाँ ब्याकः दिल ।

प्रतिनिधिमण्डलया पाखं जर्मन-दक्षिण एशियाली संसदीय पुचः या दुजः रेनेट कुनास्टजुं जर्मनी व नेपःया दथ्वी मैत्रीपूर्ण स्वापु क्वातुकय्गु तातुडः नेपः या भ्रमणय् वयागु खाँ कुल दिसे खवप देया



कला संस्कृति व मौलिकता ल्यंक: म्वाक: तगुली थ: पिन्ता तस्कं बांलागु लिचव: लागु खाँ ब्याक: दिल ।

नेप:या प्राकृतिक सौन्दर्यता व सांस्कृतिक बैभवता हे थानाया

सच्चिद्वत् प्यंगुगु ख्वप पौ, ब:छि पौ(पाक्षिक)

विकासया लिधंसा ख: धायो दिसें वयकलं ख्वप नगरपालिकां याड: च्वंगु सम्पदा ल्यंक: म्वाक: तय्गु तस्कं गौरवया खाँव: धायो दिल ।

जर्मन सरकारं ख्वपया सम्पदा ल्यंक: म्वाक: तय्गुलि चासो तयो ग्वाहाली याड: वयो च्वंगु खाँ ब्याकसे वयकलं नेप: या परम्परागत बुँज्या (कृषि) ता आधुनिकीकरण याय म:गु खाँ काड: दिल ।

उगु पुचलय जर्मन- दक्षिण एशियाली संसदीय पुच:या दुज: पुं रेनेट कुनास्ट एन्डियास लरेम, पाउल लेहोदर, रिया स्क्रोडर, माल्टी काउफ मान, अन्डेहान, सोफिया तुम्स्का व सेवास्टियन स्केनेडर पुं भू:गु ख: । नगर प्रमुख प्रजापति जुं उगु पुच:ता ख्वपया लोकं ह्वागु म्ह्वयखा इयो व ख्वप नगरपालिकाया पिथनात उपहारकाथं बियो दिल । नपालाय धुक: उगु पुचलं ख्वपया ऐतिहासिक व सांस्कृतिक सम्पदात: राष्ट्रिय कला संग्रहालय, लायकु, तलेजु डातापोल्ह, भैलदेग: आनाहे भायो स्वयो दिल ।

कार्यविधि पारित

फागुन ८ गते

ख्वप कलेज अफ ल या विनियम २०७९ व ख्वप नगरपालिका सुधारिएको शवदाहगूह सञ्चालन कार्यविधि २०७९ सर्वसम्मति पारित यात । उगु कार्यविधित हिंस्वकगु नगर सभाया नायो नपां ख्वप नगरपालिकाया प्रमुख सुनिल प्रजापतिया सभानायोलय च्वंगु नगर सभाया बैठक सुभावा नपां सर्वसम्मति पारित यागु ख: ।

सभासं प्रमुख प्रजापति जुं स्थानीय सरकार सञ्चालन ऐन २०७४ व मेमेगु कानुनं ब्यगु अधिकार छ्यल न्हांगु कार्यकालय ख्वपं नगरपालिका पाखं चाय्क तगु न्ह्यगु शैक्षिक संस्थाया विनियमत पारितयाड लागु जुयो च्वंगु खाँ कुल दिसे वहे विनियम काथं ख्वप कलेज अफ ल या विनियम दयकगु खाँ ब्याकसे ख्वप नगरपालिकां शिक्षाया लागाय् याड: च्वंगु ज्या मेमेगु स्थानीय तहयालागिं नं डाल काय बह जुयो च्वंगु खाँ ब्याकसे नगरसभां पारित जुगु ऐन, कार्यविधि, विनियम व निर्देशिका म: काथं ल्हवड हिडके फ:गु खाँ नं वयकलं काड: दिल ।

उगु पारित जुगु ख्वप कलेज अफ ल या विनियमय् जुगु छलफल नेम्हा सभासदपुं हेरा ख्याजु व इन्द्र बहादुर प्याथ जुं सञ्चालक समिति विज्ञपुं तयम: गु, नगरवासी ब्वनामिपिन्ता भर्नाखय् छुट छात्रवृत्ति बियम:गु सल्लाह बियो द्यगु ख: सा आना न्यंगु न्ह्यस:या लिस: विधायन समितिया कजि

हरिराम सुवालं बियो दिल ।

अथेहे थौंहे पिब्वगु ख्वप नगरपालिका, सुधारिएको शवदाह गूह सञ्चालन कार्यविधि २०७९ सं छलफल जूबलय सभासदपुं रीता फसिकव, पुरुषोत्तम तमखुं सुधारिएको शवदाह गूह चच्छी न्हिच्छीं तुं चाय्के फ:सा जनताता अ: पुड्गु नपां गुथियार पिन्ता थुकिया तालिम वियफ: सा बांलाइ धायो दिल ।

थौया सभा सं नगर प्रमुख प्रजापतिया अनुमति सं विधायन समितिया कजि हरिराम सुवालं भक्तपुर नगरपालिका सहकारी नियमावली २०७९ सभासं छलफलया लागिं पिब्वयो दिल ।

सभाया नायो प्रजापति जुं नगर सभाया मेगु बैठक फागुन १० गते बुधवार १:०० ताइलय च्वनय्गु याड, थौं या बैठक क्वच:गु खाँ ब्याक: दिल ।



नपा लाय्गु ज्या इवः

फागुन ९ गते

खवप नगरपालिकाया उपप्रमुख रजनी जोशी नपां महालेखापरीक्षकया कार्यालयया वार्षिक लेखा परीक्षण योजना २०७९ काथं 'दिगो विकास लक्ष्य ५.५ पाखं राजनीतिक, आर्थिक व सार्वजनिक जीवनया फुक्क निर्णायक तहया न्हयलुवाख्य मिसातय्गु पूर्ण व ग्यसुलागु दुथ्याका व उथिंयक अवसरया सुनिश्चितता याय्गु तातुना छलफल अवस्था' विषयया कार्यमुलक लेखापरीक्षणया खायँ

छलफल याय्ता लेखापरीक्षकया पुचलं थौं नपा लाडः दिल । नपालाय्गु इवल्य खवप नगरपालिकाया प्रमुख प्रशासकीय अधिकृत कृष्ण गिरी, महालेखा परीक्षकया कार्यालय पाखं निर्देशक रामचन्द्र ओभा, लेखापरीक्षण अधिकारी अशोक अर्याल, लेखा परीक्षण अधिक्षक नारायण डुम्रे व ट्रान्सपरेन्सी इन्टरनेशनल नेपः या अधिकृत वविता शर्मा पुं भःगु खः ।

खवप नगरपालिका, सहकारी नियमावली २०७९ सर्वसम्मतिपारित

फागुन १० गते

खवप नगरपालिकाया प्रमुख प्रजापतिया नायोसुई चवंगु हिंस्वकगु नगरसभासं खवप नगरपालिका, सहकारी नियमावली २०७९ सुभावनपां सर्वसम्मति पारित यात । खवप नगरपालिकां



सहकारी ऐन २०७४ ता व्यवस्थित काथं छ्यलय्ता सहकारी नियमावली २०७९ पिढवगु खाँ ब्याकसे सभानायो प्रजापति जुं नगरदुनयया सहकारी संस्थाया नियमन याडः छ्यँ छैगुलिजक लाय् छ्यकेता नियमावलीं अभगवाहाली याड्गु खाँ कुल दिसे उगु

नियमावलीसं छताहे व पाःगु प्रकृतिया नेगु व तःगु संस्था वा संघं अन्तर सहकारी गवाहालीया भावनां मंकः वा साभेदारी ख्य थःगु उत्पादन वा सेवाया बजारीकरणया लागिं कालबिल व्यवसाय उद्योग व परियोजना न्ह्याक्य् फैगु खाँ चवयो तःगु दः सा समस्या दःगु सहकारी व्यवस्थापन सम्बन्धीया ज्या याय्ता बिस्कं व्यवस्थापन समिति निः स्वन्य् फैगु व्यवस्था याडः तःगु दः ।

थौं चवंगु बैठक्य् नियमावलीया खायँ जूगु छलफल्य् सभासदपुं राम सुन्दर बासी, पुरुषोत्तम तमाखु व नारायण प्रसाद बासीं सञ्चालक समितिया पदाधिकारीपिनिगु किपा नपां स्पष्टम्हासिड्का दःगु होर्डिड बोर्डया व्यवस्था यायमःगु, सहकारी संस्थातयता छ्यँ छैथाय् जक लगानी याक्य्ता ऐनय वाध्यात्मक व्यवस्था यायमःगु हाकुगु धलः (कालो सूची) दःपुं ऋणीपिन्ता नगरपालिकां बिड्गु सुविधा मबियमःगु, थजगु सुभावात वगु खः ।

सहकारी नियमावली २०७९ सं न्यंगुः न्ह्यसः या लिसः विधायन समितिया कजि हरिराम सुवालं बियो दिल । सभाया नायो प्रजापति जुं थौंया बैठक दिक् जूगु खाँ काडः दिल ।

कृषकपुं मुंकल

खवप नगरपालिकाया ग्वसालय समसामयिक व देसी सः या विषय फागुन १० गते नगरस्तरीय कृषकपुं मुंकल । खवप नगरपालिकाया प्रमुख सुनिल प्रजापतिया मू पाहाँलय जूगु उगु मुंज्या सं नेपःदे कृषि प्रधान दे जुयानं भ्नीगु कृषिख्य थःगु तुतिख्य दान्य मफूगु खाँ व्याकसे सरकारं कृषिता हृदाय तयो ज्या मसांगुलिं थौं अन्नसैगु अपलं बुँ बाँभो जूगु खाँ काडः दिल । वयकलं बुँ सैगु अन्न तरकारीत मियगु स्वयो पिनयनं न्याय्गु अपः जूगुलिं आर्थिक भार अप्वगु खाँ कुल दिसे खवप नगरपालिकां कृषक पिन्ता भिं जुड्गु ज्या याडः चवंगु खाँ ब्याकः दिल ।

ज्या इवः या सभाया नायो नपां वडा नं ३ या वडाध्यक्ष

राज कृष्ण गोरं कृषकपिनिगु माग काथं खवप नगरपालिकां कःसि खेती तालिम, देसी सः इडः बियगुलिगवाहाली याडः चवंगु खाँ काडःदिल । उगु ज्या इवःसं वडा नं. ६ या दुजः गोबिन्द दुवालं किसान आन्दोलनया खाँ काडः दिसे थःगु नुगः खाँ तयो दिलसा वडा नं १० या वडाध्यक्ष लक्ष्मीप्रसाद ह्योमिखा व वडाया दुजः इन्द्रबहादुर प्याथं न्वचु तयो द्युगु खः ।

ज्या इवः सं ब्वति कायो द्युपुं कृषकपुं गंगाराम ज्याख्व, रत्नकाजी नायभारी, लक्ष्मी नारायण सुवाल, लक्ष्मी भक्त सिजख्व, राजु ज्याख्व, तुल्लि नारायण लाखेमरु, राजाराम बासुकलां नं ग्यसुलागु सुभावात बियो द्युगु खः ।

स्वस्थ जीवन ढुरबर्द्धन ज्या इवः

ढागुन १० गते



खवप नगरपालिका व जिल्ला आयुर्वेदिक स्वास्थ्य केन्द्रया मंकः गवसालय खवप नगरपालिकाया जनढुरतिनिधि व नगरपालिकाया ज्या साडः च्वंपुं सुचुकुचुया कर्मचारी ढिनि दशुवी बुधवार स्वस्थ जीवन ढुरबर्द्धन ज्या इवःयासे नगरढुरमुख सुनिल ढुरजाढुरति जुं ढानसय् च्याकः उलेज्या यासे आयुर्वेदिक उपचार विधि नेढः या थः गुहे

छुमः गणेद्योया द्योछेँ निःस्वान

ढागुन ११ गते

खवप नगरपालिकाया ढुरमुख सुनिल ढुरजाढुरति जुं खवप नगरपालिका वडा नं. ६ चोछेँ छुमः गणेद्योया द्योछेँ निः स्वाडः दिल । ज्या इवः सं वयकलं २०७२ सालया तः भवखाचां स्यंक ब्यूगु १२५ गू स्वयो अपः सम्ढुरदात ल्हवनय् कानय्, दानय् धुंगु खौँब्याकसे खवप नगरया सम्ढुरदा राष्ट्रिय सम्ढुरदाया महत्व कःघाडः च्वंगु सम्ढुरदात जूगुलिं थुकिता ल्यंकः म्वाकः तय्ता खवप नगरपालिकां हृदाय तयो ज्या याडः च्वंगु खौँब्याक दिल ।

सम्ढुरदा ल्हवनय् कानय्गुलिं खवप नगरपालिकां विदेशी तय्के ग्वाहाली फ्वडः, मखुसें जनताया साथ व ग्वाहालीं याडः वयो च्वंगु खौँ ब्याकसे खवपदे शिक्षा व स्वास्थ्य नढुरां नढुरां सम्ढुरदा लागाय् नं ब्वस्यलाडः वयो च्वंगु खौँ वयकलं काडः दिल ।

खवप नगरपालिकाया जनढुरतिनिधिपुं व कर्मचारीपुं मिलयजुयो नढुरां स्थानीय जनताया ग्वाहाली व थःगु धाय्गु भावना दयो हे खवपदे थौं देयाय् हे नमूना नगरपालिका काथं ढलिस्था जुय फःगु खौँ ढुरमुख ढुरजाढुरति जुं काडः दिल ।

ज्या इवः सं खवप नगरपालिकाया उप ढुरमुख रजनी जोशी जुं ऐतिहासिक छुमः गणेद्योया द्योछेँ दानय्गु ज्या इलय हे थःगु ढहलय् भिंकः बल्लाकः दानिगु विश्वास ढ्वंकसे थुगु ज्याखय् स्थानीय जनताया आर्थिक व भौतिक ग्वाहाली दैगुनं आशायाडः दिल ।

ढहःया नढुरां ढुलांगु उपचार विधि खः धायोदिसे घरेलु उपचार विधि हे आयुर्वेदिक नढुरां स्वाढुर दःगु खः धायोदिल ।

वयकलं वडा नं ६ चोछेँ च्वंगु नागरिक आरोग्य केन्द्र चाय्क स्वास्थ्य सेवा व सुविधा ब्यू ब्यू केन्द्रे वास मरु धाय् म्वायक नगरपालिकां मकाथं ग्वाहाली याडः वगु खौँ ब्याक से आधुनिक उपचार विधि भूीगु थःगु ढहःया चिकित्सा ढुरणाली ध्याक्वनय् लः वांगु खौँ काडः दिसे नेढः या सरकारं आयुर्वेदिक उपचार विधिता हृदाय मतःसे व ढुरचार मयागुलिं थुगु विधिलिनय् लः वां वां तानिला धायगु भय दःगु खौँ काडः दिल ।

खवप नगरपालिकाया ढुरमुख ढुरशासकीय अधिकृत कृषा गिरी जुं आयुर्वेदिक उपचार ढद्वति जिवय छुं नोक्सान मयाइगुलिं मनूता तस्क बंलागु उपचार विधि जुगुलीं थुकिता ढुरचार याय्मः धायोदिल ।

जिल्ला आयुर्वेदिक स्वास्थ्य केन्द्रया कार्यालय ढुरमुख नरेन्द्रढुरसाद गिरी, कार्यालयया कर्मचारी शान्ता केसी, कविराज श्रीराम ढुराजुली वय्कस्थाढुरन समितिया नायो राजु ढुरसाद अधिकारी ढिसनं न्वचु तयो द्यगु खः ।



ज्या इवः या सभानायो नढुरां वडा नं ६ या वडाध्यक्ष हरिराम सुवालं वडाया विकास निर्माणया ज्या या खौँ काडः दिसे जनढुरतिनिधिपुं जनताया सुख दुःखय् साथबिइपुं खः धायोदिसे स्थानीय जनताया ग्वाहाली मरुसा वडाया छुं नं ज्या हळ्याय् ढै मखु धायो दिल । उकिं द्योछेँ दानय्ता थानाया जनताया साथ व ग्वाहाली मदय्क मगा धायो दिल ।

उगु ज्या इवः सं कार्यपालिकाया दुजः रोशन मैयाँ सुवाल वडाया दुजः गोविन्द दुवाल, स्थानीय शिक्षक जगन्नाथ सुजखु वडाया दुजः सिद्धिराम अवाल व उपभोक्ता समितिया छयाञ्जे रमिला ढुरजाढुरति नं न्वचु तयो द्यगु खः ।

सरकारया नीतिगत मिलय मज्गु खायँ कुंखियमः का.रोहित

फागुन ११ गते

नेपाल मजदुर किसान पार्टीया नायो भाजु नारायणमान बिजुक्छेँ (रोहित) जुं वागीश्वरी मा.वि. या ६४, वागीश्वरी कलेजया १५ कगु व वागीश्वरी कलेज अफ म्यानेजमेन्टया पलिस्था दाँया लसताय विहिवार पानसय मता च्याकः उलेज्या याडः दिल ।

ज्या इवः सं मूपाहाँ बिजुक्छेँ जुं शासक दलं गरिब जनताता आखः ब्वनय् मफय्कः तापाक्क तय्गु जःगवयो च्वंगुलिं भी सतर्क जुयो हज्याय्मःगुलि बः बियो दिसे सरकारया मज्गु नीतिगत खाँया कुंखिडः देशभक्त जनतां न्ह्याब्लें हज्याय्मः धायोदिल ।



विदेशीया लाहापा द्रुलायँ प्याखं न्ह्यो विदेशीता भिं याइपिसं देश व जनताया गुब्ले भिं मयाइगु खाँ ब्याकसे वयकलं थःजक नय दक मस्वसें सिंगो समाजता हछ्याडः यंकय्गु नीति हे समाजवादी नीति खः धायोदिल । शासक दलं सिद्धान्त व दर्शन स्वयो थःगु व थः जक भिं जुइगु स्वयो जूगुलिं दे भन भन गालय् दुडु वांगु खाँ काडः दिसे न्हँगु पुस्ताता विश्वया इतिहास व भूगोल बांलाकः धवाथुइक कानय् मः धायो दिल ।

ख्वप नगरपालिकाया प्रमुख सुनिल प्रजापति जुं वागीश्वरीजक स्वंगू कलेजं हछ्याडः चाय्कः च्वंगु खाँ ब्याकसे देया नमूना शैक्षिक संस्था काथं हछ्याय्गु तातुना ज्वड थ्वः संस्थात हज्याड च्वंगु खाँ काडः दिल । वयकलं सामुदायिक ब्वनय कुथि नं च्वजःगु शिक्षा वियफः धाय्गु दसु वागीश्वरी खः धायोदिसे अनेक पंगःत चिइक वागीश्वरी थौया इतक थयंक वगु खः धायो दिल ।

वागमती प्रदेशया दुजः सुरेन्द्रराज गोसाईं जुं अःया राजनैतिक न्ह्यलुवापिके नैतिकता मरुगु खाँ कुलः दिसे ख्वप नगरपालिकां स्थानीय पाठ्यक्रम दय्क च्वछाय् बहगु ज्या यागु खः

धायोदिसे पाठ्यक्रमया व्यवहारिक व वैज्ञानिक ढंगं हछ्याड कण्ठ याडः ब्वनय्गु या अर्थ मरुगु लिं थमनं हे सय्केगु वातावरण विद्यालयं वियम धायोदिल ।

वागमती प्रदेश सभाया मेम्हा दुजः सृजना सैजुं देशां देछीया सामुदायिक कलेज अखय्स्व थखय्स्वमदयो च्वंगु इलय वागीश्वरी ब्वस्यलागु ज्या याड, च्वंगुदः धायो दिसे ख्वप विश्वविद्यालय निःस्वानय्ता संघर्ष त्वतय् मज्गु धायो दिल ।

वयकलं शिक्षाखय् नवउदारवादया विरोध याय्मः धायोदिसे वागीश्वरी बी बी .ए. तगिं चायकः च्वंगु नपां थवनं लिपा एमबीए. नं चाय्किगु विश्वास प्वंकः दिल ।

राष्ट्रिय परीक्षा बोर्डया नायो महाश्रम शमां वागीश्वरी मा.वि.व कलेज समुदायया लिधंसाय समावेशी ब्वनयकुथि काथं चाय्क च्वंगु खाँ काडः दिसे स्थानीय सरकारया सफल नेतृत्वं ख्वपदेता शिक्षाया नमूना थाय् काथं हज्याय फःगु खाँकाडः दिल ।

ख्वप जिल्लाया प्रमुख जिल्ला अधिकारी खगेन्द्र प्रसाद रिजालं ख्वप नगरपालिकां चाय्कः तःगु कलेजत व ब्वनयकुथित तस्कं च्वजः गु खाँ ब्याकसे ख्वपया ग्वाहाली याइपुं समुदायया मंकः कुतलं ख्वप दे शैक्षिक ज्ञानया मूथाय काथं हज्याडः च्वंगु दः धायो दिल ।

बार्षिकोत्सव ज्या इवः सं वागीश्वरी मा.वि. या प्र. अ. कृष्ण प्रसाद धन्छां ब्वनयकुथिया प्रगति प्रतिवेदन पिब्वयो दिलसा वागीश्वरी कलेजया प्राचार्य धनकुमार श्रेष्ठं कलेजया प्रगति प्रतिवेदन पिब्वयो दिल ।

वागीश्वरी मा.वि. व्यवस्थापन समितिया नायो रविन्द्र ज्याख्व जुं सभा क्वचाय्कगु खःसा सहायक प्र. अ. उकेश सुवालं सुभाय देछायो द्युगु खः अथेहे समारोह समितिया कजि राजन लाखां लसकुस याडः द्युगु, परीक्षा समितिया कजि श्रीकृष्ण किसी, विद्यार्थीप्रतिनिधि चाँदनी रानी बैद्य, कलेज पाखं तेञ्जिड डोल्मा लामां भिन्तुना न्वचु तयो द्युगु खः ।

ज्या इवःया मूपाहाँ रोहित जुं प्रा.वि. शिक्षक राजेन्द्र भण्डारी, प्रमिला प्रधान, श्री ज्ञानी छोरी श्रेष्ठ व विद्यालय सहयोगी हरिप्रसाद दाहाल पिन्ता दीर्घसेवा पदकं हानय ज्या याडः दिल । नपां मूपाहाँ बिजुक्छेँ जु, पाहाँ पिसं शिक्षक व कर्मचारी, ११ गू व १२ तगिं बार्षिक व प्रिबोर्ड सिरपा, कलेजया प्रिबोर्ड सिरपा, एसईई. टप्पर मेडल, स्नाटक टप्पर पिन्ता मेडल व सिरपा नपां मू पाहाँ जुं वागीश्वरी स्मारिका नं चिखी फ्यनय् ज्या याडः दिल ।

छुमः गणेशो, याछें ढ वडाया ढोछें निःस्वान

(२०७९ फागुन ११ गते)



हिंस्वकगू नगर सभा चालु



खवप कलेज/मा.वि./शारदा क्याम्पस व खवप कलेज अफ ल या
पलिस्था दिंया उलेज्या (२०७९ फागुन ३ गते)



अन्तर नगर खो खो धिं धिं बल्लासं ठाकुर बाबा नगरपालिका न्हाप
(२०७९ फागुन ९ गते)

